

景
文
集

一
一





景
文
集



宋
祁
撰

中
華
書
局



景文宋公集卷第十八

律詩

游魚

游魚川上樂。映藻復依蒲。須防裁密網。莫獨畏鵜鷗。

驚鷗

漁拽亂溪來。白鷗驚已屢。不應畏機心。却下滄波去。

司徒侍中宣獻公挽辭三首

第一第二兩首見聚珍本卷十一

順諫長樂朝。奮庸明辟始。功名一不處。愛直兩遺美。空厥侍中貂。遂失尙書履。不朽在德言。古來皆有死。

皇帝狩近郊

井狀見聚珍本卷十
九題作孟冬駕狩近郊

皇帝邇英閣講畢五經并序

臣伏見今月十四日。講畢毛詩。皇帝陛下卽阼以來。及茲二紀。五經皆已徧講。而天縱上聖。日新大猷。觀文稽古。剛健靡息。粉澤百度。充格九圍。臣學陋識淺。無以周知盛德。輒撰成皇帝講畢五經詩一章。五言十韻。繕寫上進。干冒清覽。無任戰汗待罪之至。

太極洪樞暇。西清祕閣開。延曠邇英二閣。並在崇政殿西廂。文從壁府降。輦自殿中來。上聽政罷。幸講筵。捧奏諸儒進。繙經寶思該書留孔子宅。講倫書。禮識漢家臺。講禮記。詠傳風兼頌。詩毛詩。陽秋富竝裁。講春秋。觀圖龍天矯。講周易。啓柙鳳韞哉。遂使民胥効。咸知上育材。星鈞參婉曲。天漢助昭回。章甫慚無狀。華光信濫陪。願因稽古日。拜手頌明哉。

和人禁中作

前殿隴曠晝鼓除。對論兵食近袍紗。此時刻意言頗牧。不爲雲中首級差。來詩云可能頗牧不重生。

和王君貺禁中寓直

長樂疎鐘斷。昆池夕照收。晚風生似雨。仙霧爽如秋。禁中听夕氣甚寒爽。鈞曲來深殿。宮花出御溝。雲天正如畫。壁月在西樓。

大禮慶成見聚珍本卷十九

車駕出獵和丁學士見聚珍本卷十九

早夏集公會亭飲餞金華道卿內翰守澶淵得符字見聚珍本卷十九

同年毛洵勾簿新建見聚珍本卷十一

同年李宗太平法掾見聚珍本卷九

隱几見聚珍本卷十六

貴溪周懿文寄建茶偶成長句代謝見聚珍本卷十八

長兄冬夕遞宿偶成長句上寄見聚珍本卷十六

同年成楷濰州理掾見聚珍本卷十七

學舍諸生罕至或累旬倚席不講愧而成詠見聚珍本卷十四

送同年葉文卿尉高郵見聚珍本卷九

送同年張孝孫勾簿穎陰見聚珍本卷十七

李國傳齋中小山作君即文靖公子

觀閣幽期勝窗扉列軸連千巖狀稽嶺一石記平泉迥接仙湖境低圍醉幕天休論真假意同是到忘筌

新月見聚珍本卷十

殘月見聚珍本卷十

晚歸僦廡

驅車廣陌陰極望散煩襟霞破天逾淨煙生樹始深慘喧侵暝鼓練急向寒砧卻入顏生巷窮棲似故林

晚秋客廡

涼葉日幡幡。西風振旅魂。客來聊解榻。童小未應門。蟬噪專林響。蝸移亂壁痕。缺然禽鹿性。持底報君恩。

賦成中丞臨川侍郎西園雜題十首

雙假山 在庭廡左右相對

佛螺雙髻蟲層嵐。雲穴呀空薜蘿銜。異日主公求肖像。居然認得傅溪巖。

煙竹

煙梢露葉貫冬榮。高出危牆近覆亭。聞道蘭臺有圖籍。故留春粉助蒸青。

柏樹 見聚珍本卷二十四

牡丹

上國名園買地栽。試知韓令是雄猜。香根斲盡成何事。不識騷人託諷才。
楚人亦香草喻君子則牡丹亦香草之一也。

醅醑架 圓陰婆娑公嘗列坐榻其下

媚條無力倚風長。架作圓陰覆坐涼。露葉一春清襲袂。有人知是令君香。

小池 見聚珍本卷二十四

李樹 見聚珍本卷二十三

小桃 見聚珍本卷二十三



柳

散漫飛絲婀娜枝。第家留賞霽霜威。盡將煙葉偷眉顰。不爲章街走馬歸。

射棚

棲鵲雲侯迥勢開。主人留客侑金罍。欲知謝尚風流極。賭得將軍鼓吹來。

觀上朝

見聚珍本卷十三

歲晚家居自勉

朝陽濃澹雪雲垂。湯沐餘閑似標枝。藥有不龜聊擊絮。管無窺豹任爭碁。垣陰剝紫迷寒蘚。池溜含光結晚澌。飲取醇醪作佳士。莫貪蒿目強憂時。

小雪

見聚珍本卷二十

送荆湖北漕張職方

見聚珍本卷十八

庠局觀書偶呈同舍

見聚珍本卷二十四

送黃昱祕校太平理掾

兼簡法掾李伯元見聚珍本卷十七

學舍石榴

太學中石榴樹率多蠹蟲見聚珍本卷十三然其

張伯起自蜀還臺簾對旣訖以有司奉祠蜡方旣卽齋復引入升太常爲博士

殿城塗丹九齒長。珠簾伏奏近天香。已傳樂職來西蜀。更就清齋得太常。夕燎烘庭思結佩。曉蘭薰浴滯華陽。心傾五日歸來路。共舉銚珍酬賀觴。

歲除

見聚珍本卷十一

謝都官監治建州

見聚珍本卷十七

早春

鷗雪銷平苑。烏風裊迥竿。暖客侵柳動。寒意向梅殘。雲薄來無定。天晴望更寬。杯霞莫恹醉。朝野日多歡。

元夜觀正陽錫宴

見聚珍本卷十三

上元景燈紀事

見聚珍本卷十九

聞中山公泚上家園新成祕奉閣輒抒拙詩寄獻

見聚珍本卷十三

龐祕校掾九江兼歸汝南迎侍

見聚珍本卷二十

送客野外始見春物萌動

見聚珍本卷十六

傷和靖林先生君復二首

清瀨嚴生國。良田仲子居。姬姜生不娶。封禪死無書。

君復臨終賦詩其亂章云茂陵異日求竈冷丹何去。這箇猶喜曾無封禪書好事者多傳之

廚封畫已虛。詔函加美諡。不及裏輪車。

筆精傳禊帖。句賞儷汀蘋。道勝吾忘我。賢嗟歲在辰。風愁青桂暝。露泣紫芝春。一束生芻贈。門無雜弔賓。

春夕

捲幔星河近。嚴城鐘箭遲。飛蟲集暗牖。棲鶴忌明枝。弱柳兼風困。高花戰露危。回腸正無賴。仍此臥遙帷。

有懷舊隱

見聚珍本卷十二

自詠

見聚珍本卷十三

畫寢

靜拂藜牀藉蠹書。曲肱聊與古爲徒。夢柯向費論榮辱。訟鹿何煩競有無。庭下細光風泛蕙。隙中斜影日低梧。幸墻不墜嵇胞轉。寧覺人間有畏途。

桓伊傳

上前猪笛串奴髻。自倚哀箏詠刺譏。太傅一聞流涕久。使君於此信非凡。

房陵舊第

見聚珍本卷二十四

景文宋公集卷第十九

律詩

孫景赴懷寧尉

一行爲吏日。千里背淮人。蘭助朝昏膳。絲垂宛轉輪。雲容侵驛曉。江態引帆春。靜治龍舒邑。羣生盜向秦。

寄題眉州孫氏書樓

見聚珍本卷十五

寄天休學士

時遇宿館中見聚珍本卷二十一

重懷和靖林逋

見聚珍本卷二十二

房陵舊第股引蔡水養魚於池敗日或有塞其水竇魚多涸矣

後園平日引春渠浴鳳翔鷺兩自如一旦繡衣來簿責餘災猶得及池魚

偶作

隼被鷄姿知有累豺驚羊質固非眞謾誇魯國多儒士敢到君門止一人

柳絮

見聚珍本卷二十四

送張問南游

見聚珍本卷十六

汴堤閑望

虹度長橋箭激流。夾隄春樹翠陰稠。誰知晝夜滔滔意。不是沉舟卽載舟。

送李公佐

見聚珍本卷十

送段祕丞同理金陵

自審刑赴相幕之辟見聚珍本卷十八

寒食夜偶題

前庭露氣壓輕埃。風砌花陰聚復開。苦恨浮雲心不淨。月中時汙太清來。

閨月晦日

見聚珍本卷十

落花

見聚珍本卷二十三

送張清臣學士隨侍金陵

見聚珍本卷十八

喜楊德華見過感舊成詠

曾見烏衣賭佩囊。再逢何遽二毛郎。病姿故有靈光在。杜齒翻隨屈產長。河裏笛聲頻感槩。江南花樹剩

淒涼。酒壚便有生平隔。已濯華纓未易狂。

寄南郡直講王聖源

見聚珍本卷十三

金陵相公赴鎮二首

代邸橫庚佐商巖夢弼才蕭公左右手軒老上中台利見攀龍後重明捧日來聊持樞柄族旋運一陶坯
師石兼爲礪形鹽本和梅樹容他語答車間少陽回丕績推時乃宸歌續喜哉陳平安注意鄧禹退無猜
范梈論鄧云進退 棄社南邦重輕裘太府開舍裝寧晚計行復坐公槐

慈宸念方國上宰輟謨明卽拜三公府還爲萬里城松姿終自直鼎意未嘗輕戀結雲簾對恩頒玉節榮
一輕傳令子雙壁聘材卿鵠汎江南棹犀羅帳下兵台驛畫凝繞仙袂亦松迎粟脫賓筵飯羊均宴豆羹
吳農觀耨水蕪壤嘆糊賴此日東山詠惟公繼頌聲

內閣孫侍郎生辰紀德

見案珍本卷十九

送梵才長吉還天台

見案珍本卷十

送韋漢卿同年赴五原理掾

見案珍本卷九

送王鼎同年尉滎陽

見案珍本卷八

送齊殿丞監緡雲軍

幾信南風轉曙烏殿欄歸思結丹塗曳朱恩借魚須笏假節人同虎刻符裳綵親闈稱雅壽弩簡鄉縣壯
前驅飛霜郡開遺文麗更得韓陵共語無

故翰林南陽公出牧緡雲日庭飛霜閣自爲記刻又庚子山云惟韓陵一石可共語

送楊告虞部知池陽

新年臥錦直南宮。露綬歸來使寄雄。祕地鏘鑾辭夜燎。離亭贈扇有仁風。梅根大冶兼金富。楊葉芳洲雜
蘼紅。僉楚俗移恩詔美。班春聊隱軾前熊。

學舍晝上

風射長廊雪絮春。經筵無客有流塵。捫心自問何功德。五管支離治辦人。

晚春有感

見案珍本
卷十八

寄藥山長老省賢

南方有尊者。卓錫戀林丘。演法三千界。多聞第一流。爐檀薰定几。笋脯供齋甌。社約慙成負。霜蓮落幾秋。
次韻和朱少府苦雨

滯淪連春晦。層陰接夜分。驕壺惟發電。愁棟但生雲。里突居無爨。官蛙坐厭聞。遙知霖唱罷。客思轉相紛。
遊小園

初陽未熱樹陰輕。中圃留連底有情。春草抽心終不死。夏禽反舌已無聲。轆轤半上畦泉逗。裊襪初休隴
雨晴。紫蓼青葵正堪掇。於陵何必是逃名。

盛諫議赴維陽

漢家規地徧青蒲。繡辰恩深拜命初。朱轡車輻頻出守。仙移院額別脩書。貢圖星橘兼苞柚。宴筋金盞和

鱸魚奉計不應三滿歲。荷囊法許從彫興。

送靜海勾稽高泊

見聚珍本卷八

葉司封知宣州

對日改三品服見聚珍本卷十六

葉道卿監太平州

塔波題墨素塵昏。犀棹橫江重黯魂。束帙乍拋三鐵櫓。將軍兼映兩朱輪。
宣道卿先待司封之莅城而後赴當塗淋漓驚下秋濤闊。蹀躞趨狂宴鼓喧。速報政成歸待詔。鑄金雙夾魯班門。

送丁殿直郴陽監軍

渠浪撼殘星。飄然颺彩舲。懷人送歸客。短候續長亭。望寺癸垂組。還書待殺青。無妨軍壘隙。壺柘佑賓醺。

學舍直歸晚霽二首

見聚珍本卷八。作三首此缺末章。

聞蟬

見聚珍本卷九

胡同年恢信州弋陽簿

見聚珍本卷十一

唐韶監簿池陽市征

見聚珍本卷十一

王君瑞祕丞同理青社

君瑞昔三爲州從事

詔押平明出未央。便隨公府汎牙樯。即時趨坐多留幘。幾夕登樓共据牀。勝國遺宮沉雪霧。從軍舊沼認

蓮房翹材宴隙還家早。紫葉叢萱映壽觴。

偶作

薄暮歌鐘宴平樂。黎明車騎過宜春。身長六尺飢將死。唯是平原厭次人。

儼舍西齋小圃竹樹森植。秋日搖落對之。儼然因作長句。盡道所見。

避事長卿志。閑居郎將流。無心嬰外物。有興爲高秋。儼舍餘三畝。畸人代一丘。園空樹色至。日淡暝煙浮。紺葉繁江蓼。丹鬚亞海榴。青松七鬣嫩。黃菊萬釘稠。露滋梨津熟。風乾菱扇愁。小池圓寫鏡。臥石側盤虬。愛竹惟慙賦。逢萱卽忘憂。信非吾土美。聊並小山留。勝託三餘暇。幽尋五日休。沼蛙觀聿役。簷雀聽啁啾。心有冥鴻伴。歌煩警鶴酬。茲焉爲樂地。時事判悠悠。

送呂太初法曹之許田

時相國彭城公鎮許田

秋夕

見聚珍本卷十二題作七月二十八日

筆次

見聚珍本卷十七

累夕大風

見聚珍本卷十

曹景宗傳

見聚珍本卷二十三

庭石

見聚珍本卷十

西齋冬夕

四海共搖落。居然彫歲深。林疎縱風怒。天慘趣雲陰。冰沼留寒鷺。燈檠射宿禽。懷人感衰髮。自此不勝簪。學舍直歸

衣滿天街車馬塵。學廬番下已迎曛。弊裘欹帽驅羸馬。官長多能罵廣文。

觀太學釋奠

時中冬月天府舉公陪位見聚珍本卷十九

善惠大師禪齋

見聚珍本卷八

對雪二首

見聚珍本卷十五

楊都官知隨陽

君自蜀守爲施倅既而出見聚珍本卷二十一

迎春曲三闋

見聚珍本卷七

牽和長兄歲宴抒懷

見聚珍本卷二十一

送胡宿同年主合淝簿

見聚珍本卷十七

崔氏逍遙堂

戚里封侯舊。家園締宇初。據梧人化蝶。坐客客焚魚。砌草交垂帶。窗筠就刻書。欲知真趣盛。長者數回車。

答連生見寄兼簡同邑胡希元

見聚珍本卷十一

景文宋公集卷第二十

律詩

寄會稽天休學士

見案珍本卷十四

都街見綠幢。技感而成詠。二閱

見案珍本卷二十三

送高記室廣州幕

荆清高氏孫

楚國王孫後。梁臺賦客賢。貪磨楯鼻。傲重冠玳簪。筵去路南溟地。離魂北斗天。庾鮭三種嫩。虞壁一雙鮮。颺影風爭怒。朱胎月對圓。慎持齋疾意。密啓佇詳延。

寒夜與伯氏宴坐

對擁圓爐坐。蕭然念變衰。樹鳴餘葉亂。燈戰暗花危。罇酒伯仲雅。園荆兄弟枝。陶陶且相樂。低月半遙帷。同舍置酒

苑樹淒風薊薊寒。休時一笑恣醺顏。已浮山簡酒池上。更沒曹曄杯案間。主有哨壺聊慶馬。客同溫玉任頽山。冷官未及尙書對。欺段相將畢景還。

觀獵

見案珍本卷二十四

除夕二闕

分見聚珍本卷二
十二及二十四

哭公孫子正

見聚珍本
卷十六

喜藥山賢師見過

風林會語別王舍此相逢。淨月常涵水。孤雲易去峯。供緣賓閣飲。師與清源參禪
領忘言之契耳界帝城鐘。卻舉當年
話。無言促塵松。

王秀才贊賦乞詩爲別歸毗陵

見聚珍
本卷九

劉立德同年赴涖州幕

春勝連題千佛經。兩藩交辟滯弓旌。幕中仍是紅蓮客。門下今爲玉笋生。君再擢第。即今
中山公門下林逗楚風披醉
衽。浪搖淮月漬離纓。歸來上賦趨行在。足繼西豪舊弟兄。

西齋夜思

見聚珍本
卷十七

太學建講殿割王第西偏營置

見聚珍本
卷十三

覽從兄感劒池編

見聚珍本
卷十三

隣眞亭

葉館何年記舊封。宴亭此日駐憑熊。佛螺近作臨窻岫。仙馭遙添拂衽風。談樹憩棠交結蔭。飛輦賀雀併

翻空使君邀勝留千騎。可在秦樓更向東。

僧園牡丹并序

予暮春行樂僧舍。涉其中園。見牡丹數十本。華淺葉臞。雜處叢蒼。浸灌闕焉。封殖頽焉。芒夫蕘豎。蹈藉侵侮。嗟夫。託匪其地。俾妍成蚩。雖拱壁夜光。不能抗按劍之患。況斯者乎。作詩以傷之。

朽壤眞非託。奇葩惜見捐。根深惟自庇。香酷索誰憐。晚藹仍晡日。斜柯但倚煙。有人同寂寞。無地與回旋。不預甘棠愛。羞將惡木連。數奇飛將恨。形槁屈生賢。已失南梅早。仍憂北枳遷。蔭雲今讓棘。生淤此饒蓮。細殼排朝露。彫欄恨夜天。馱金會見斷。唐李長吉壯草云。走馬馱金斷金草。無事苦憔悴。

送炳宗集簿見案珍本卷十一

僑屋覩燕葺舊巢因贈

窮檐雙越燕。一再共年華。巢戶差眠尾。泥痕燥哺花。惜無文杏庇。猶免翠簾遮。所賴同雞德。新豐遂識家。

閉關

度日絕賓履。自然成閉關。無謀暫適野。藏疾願依山。莊周固有處。材與不材間。

楊太尉後園假山

輶戟嚴中府。礎星寫翠岑。嵐分一軒翠。岑入半庭陰。谷響迎壺柝。巖光射廡金。時平非聚米。緩帶恣幽尋。

春晦寓目二首

見案珍本卷十

挑燈杖

見案珍本卷二十二

覽聶長孺新春罷歸舟中詩筆

見案珍本卷十七

送四舅朱掾赴英州

拗柳亭暈晚攀梅嶺露長北辭鵲鵲月南冒鷓鴣霜越憲催征候珍鮭奉慶觴片言民訟息歸計崢嶸林光

送徐秀才

風鵬摧高羽雲鵬慘別弦勸隨東郭履歸養豫樟年客信憑梅隴鄉飲伴月舷君謀適不用虛贈繞朝鞭

歲宴私感

見案珍本卷九

送萬池秀才

有客柅征輪羈懷尉蓼辛來乘訪戴雪歸趁浴沂春酒所留飛蓋談餘換麝新異時更月品知冠汝南人

觀隣人賣餅大售

見案珍本卷二十三

僑廬

瞿曇少病否司寇正歸歟不鑿墻坯遁猶煩里旅居飯春霜稜去聲京師以田遠近爲數稜粟羹糗雪畦蔬願受爲氓籍閑披種樹書

詠史見聚珍本卷二十一

食免見聚珍本卷九

讀絕交論

嫌隙蕭朱未益虛田竇間言雖甘若醴心定險於山後轍何能救頽波遂不還居然孝標論抵几若爲刪

蓬池作二首見聚珍本卷十二

雪夕

恩華綿帝寓時天燎後花出瑞王年陰魄交光地風翼雜下天鹽波熬巨浸縞頃界中田有客方愁臥先

時履欲穿

答書見聚珍本卷十一

林鷗

林鷗泊泊飛剩欲送斜規城頭八九子月中三匝枝嚮晨常自警鄰暝不應移王孫無巧彈此夜正羈雌

和鑒宗游南禪別墅見聚珍本卷十

隴州魚龍川石魚見聚珍本卷八

陳奉禮宰四明見聚珍本卷十五

送梅摯廷評宰上元

子虛誦入漢皇帷。給筆當年拔藻奇。賜罷春袍兼彩服。對餘崑玉照林枝。卽時酒所歌驪闕。幾日江南瑞雉隨。建業清溪無盡曲。爲廣妍唱繞遺詞。

送樸密學赴并州

見案珍本卷十五

江休復潞掾

見案珍本卷九

送葉蘇州

臥錦潛郎種種絲。爲邦獨愛阮咸麾。中臺給契魚初剖。外闕升車雉尙隨。風汴雜花飄夕棹。雨吳芳樹隱春旗。爲尋劉白高吟地。酒熟螯香左右持。

和郭六玉津上巳宴罷見寄

式燕靈琨曉蕙時。祓蘭浮棗惜春輝。回瞻並躍都門道。誰識顏王曲水歸。

九日

商館偶高爽氣濃。露莢千穗亞枝紅。餅餐交遺嘉籩上。藥菊爭吹壽罍中。聲華勵威平隔闕。戲驂沉響故臺空。何人盛繼龍山集。醉帽須防穀鬱風。

偶思桓景登高故事

桓景全家遂得仙。佩萸吹菊對陶然。汝南雞犬緣何事。不似淮王許上天。

籍田禮畢因成七言

青旗斜倚耕壇霧。膏壤遙迎御耦春。二步不應踰舊禮。天心自欲勸蒸民。

送惟正歸錢塘

客艣高橋冒楚霏。月窟叢桂老春枝。一杯來應伊蒲供。八法歸刊斗藪碑。師永院記於相國長城。公今茲繕筆將刊翠瑛。鱗岸風生涼。沙滿。蜃天霞破暝樓危。學該內外皆圓法。却要聲聞是總持。

送無錫主簿王庚

莫嘆東南遠。須榮試吏才。客從梁苑至。家待太丘來。木脫洲程迥。風長櫓意催。蟬知膠稻熟。鱖記海潮回。訟矢閑鄉狂。糖螯佐壽杯。牛刀宜自愛。無及武城哈。

還故里有感

明道癸酉見聚珍本卷二十一

馬上逢雪

見聚珍本卷二十一

漣水軍豹隱堂

今趙集賢槩未策名曰嘗處于此及決科始以今名榜其堂不五年集賢出守軍政見聚珍本卷十八

李祕校省觀畢卻赴乘氏

見聚珍本卷十四

蘭皋亭

張學士充別墅見聚珍本卷二十一

景文宋公集 卷第二十

明州慈溪尉

胡寅見聚珍本

古意

見聚珍本卷十四

景文宋公集卷第二十六

元本卷首
三頁佚

律詩

初除直講獻內閣馮學士孫侍郎

見聚珍本
卷十九

寒食野外書所見

見聚珍本
卷十四

送客不及

見聚珍本
卷十六

旬休

見聚珍本
卷十三

直舍

南榮曝腹飮黃梁。臥看春暉上縹牆。有位乘軒慚野鶴。出錢邀沐羨山郎。神交自愛蘧蘧適。怪事非論咄咄狂。瓠窵不穿樗質散。只應何用是吾鄉。

東晉

見聚珍本
卷十二

送澶淵李太傅

左契銅魚照綬囊。上頭車騎冠東方。三交薦杖中軍戲。一割牛心右客嘗。烽靜塞垣宵燐滅。橋橫河曲暮虹長。歸來競病喧笳鼓。不畏休文賦韻彊。

張生南歸見聚珍本卷十五

黃孝基歸上饒見聚珍本卷九

送張士安同年赴上元尉見聚珍本卷八

直講周歲見聚珍本卷十三

得楊棣州書見聚珍本卷十八

長寧節紀聖見聚珍本卷十九

慈聖閣秋橙結實上召宗室同觀見聚珍本卷十九

春夕聞鴈見聚珍本卷十二

天街縱轡晚望

夾道宮槐鼠耳長。碧簷千步對飛廊。虹橋不礙天河水。虎落遙遮禁苑牆。柳密試應勝暖吹。樓高都擬爲殘陽。塵輕霧重黃昏恨。半屬翩翩馬上郎。

早春出近郊見聚珍本卷十八

兄長有計省之命

長簡蓬山藏。婆婆試滿年。頻書對命笏。長負出休錢。運復光華旦。恩回咫尺天。罷披窮石訴。入佐計臺員。

近對塗丹密，相趨委佩聯。太官供餌美，三服賜袍鮮。平進真如砥，孤飛舊惡弦。猶勝廣文客，摧頽獵麋編。

肅簡燕魯公挽歌四首

見聚珍本卷九

休沐

見聚珍本卷十三

春晚寫望

不覺春芳晏，翻成客望勞。草平天一色，風暖燕雙高。擊轉爭輕憶，書旗銜縹緲。隨宜歌白紵，都士半雲袍。

休日

見聚珍本卷十三

昭文王相公出鎮青社

西漢無雙彥，中興第一流。二篇應商夢，七聖首軒游。昔會光華旦，時當物色求。從容賜官筆，都穆潤緹油。

芝押兼泥熟，鼇峯駕浪浮。

公在先朝歷內外制

捫天陪累礪，敲鼎識培鈎。

岱汾二祀公皆法從

帝欲中階正，公參九廟謀。危言

天下事，坐勝幄中籌。斤斤宜嘉績，巖巖樹壯猷。異時思大治，此日詠崇丘。承弼圖勳盛，蕃宜席寵優。

長白參的

山嶺均勞九州伯，重序富民侯。

公再入途正露席

真廟方憑几，祗宮奉委裘。扶天八柱正，披日五雲收。堯后除凶

代，周王訪落秋。盡歸千里馬，無復少陽牛。熙綽官成事，端朝茹不柔。兜烽閑塞警，財餌撫夷酋。再侍欽柴

祭，公兩侍聖。

公兩侍聖上郊禮

仍廣築瓠謳。

頃歲塞河成功

奉承湯恤祀，力贊禹勤溝。國賴蕭公畫，言無趙孟偷。深恩及行葦，和氣

藹鳴球。幾欲辭名遂，何嘗爲智憂。屢居移病苦，連賜上尊醕。敦免深慈展，猗違動遽旒。坐槐聊罷府，剖竹

更爲州。畫錦貪過里。晨裝趣戒驕。邳垠訪祠石。稷下按行楸。列第今容駟。橫川本是舟。娛賓羅鼎食。坐閣便巾幃。故事南宮在。風歌北海流。人所衛武歲。三入對王休。

抒懷呈同舍

見聚珍本
卷二十一

自訟二首

見聚珍本
卷十八

抒懷上南京常山公

見聚珍本
卷十三

南方未臘梅花已開北土雖春未有秀者因懷昔時賞玩成憶梅詠

見聚珍本
卷二十

喜得當塗葉學士手筆

見聚珍本
卷十四

勸客

見聚珍本
卷十六

懷故里偶成

見聚珍本
卷十七

景文宋公集卷第二十七

律詩

詔復制科有謂予應詔者

見案卷二十三

代賦後園賞花釣魚

見案卷十九

應詔內苑牡丹三首

千葉

一豫凝皇覽。千英薦瑞葩。壓枝高下錦。攢葉淺深霞。疊采睇陽媚。鮮苞照露斜。九莖休街葉。五出浪言花。郁郁雲柯覆。葱葱氣瓣嘉。羣心識天意。成數佐皇家。

雙頭

化工憑協氣。花品効尤祥。旖旎雙苞艷。氤氲一種香。參差迎夕露。左右儗朝陽。有意同紺幹。無言並絳房。萬靈天會帝。三月史書王。故此呈繁卉。還將助樂康。

三花

九城蕃瑞殖。三出儼英蕤。巽采昭天造。同心奉帝嬉。繁疑交晝影。重欲亞晴枝。恩露方均沍。王風亦徧吹。

併柯由內附。紛艷表重熙。幸觀由庚瑞。慙陪可嬉嗣。

代賦後苑賞花釣魚

黃屋宸衿豫。靈琨苑制雄。鈞天回帝所。太液近唐中。瑞旭搖卿藹。丹葩雜紺叢。王魚多在藻。君鶴鎮迎弓。

冬夕酌酒

見聚珍本卷十五

送王庾

見聚珍本卷十

皇帝幸南園。觀刈麥。見聚珍本卷十九

再送王庾

見聚珍本卷十

送孫臯

見聚珍本卷十六

送河中司馬待制

見聚珍本卷十五

同兄長賦朝雞

彫籠摧羽就羈栖。心識昕朝候不迷。羣鶴在軒皆有祿。夫君何事獨先啼。

難答

君園稻富非爭食。省樹枝深未許棲。但得齊蠅無亂響。不辭風雨五更啼。

送鄭天休見聚珍本卷十六

偶作二首

去國日云久。寥寥雙鬢衰。長安舉頭近。漳浦竄身危。沫埃窮鰓煦。春非墜葉知。一廬先畝在。扶耒有歸期。衰翁好藏密。移病此僑居。白眼慵迎客。青泥勑僕書。風窻殘晝網。煙落蔽春樗。惟有伊蒲士。相從要飯蔬。

柳見聚珍本卷二十二

翰長再有北門之拜見聚珍本卷十三

賦得敗荷見聚珍本卷二十

題阮步兵祠二首

濟世非無策。迷邦詎可求。昏酣酒壚臥。蕭散竹林遊。俗眼嗟人廢。窮途逐涕流。何公真禮法。寧免疾如讎。幽懷八十首。鬱鬱寄蓬池。屋壁留南巷。鄉人奉種祠。乘驢非宦巧。逃蠹厭流卑。三沃椒漿醑。誰論飲過差。嵇康謂步兵惟飲酒過差爾

家居

鬱鬱行何適。肩肩體寢癭。安仁非善宦。甯子是真愚。北化隨江枳。東遊謝海桴。何須命私駕。危涕避窮途。寒夜

孤客傷時晏。遙帷對夜分。虛輪抱初月。側陣捲歸雲。霜蕙披寒穎。陂臯叫暝羣。村砧與營杵。不寐最先聞。

惠民河隄晚矚

見聚珍本卷八

再逢成上人

見聚珍本卷十七

有感

車轍無聲巷次閑。畸人愁臥髮毛斑。月囊罷食侏儒米。歲計深依嶮巖山。風薄迴林秋蒂老。天圍荒壤暝鳥還。舉頭却望長安日。已在浮雲沆漭間。

寄弋陽王學士

見聚珍本卷十四

過朱亥墓

屠門遺舊隱。鎚袖凜餘風。兵下邯鄲壁。軀捐噓咄公。種祠羣望亞。樵禁九原中。異世同禔慕。東西夾漢宮。

蓬池寫望

曠望蓬池上。池平失素波。鷗鳬貌閑暇。樗櫟意婆娑。霧日垂金曄。煙峯晦鈿螺。回瞻百常闕。非爲五噫歌。

訪僧舍

見聚珍本卷十

讀退之集

素瑟朱弦古韻長。有誰流水辨湯湯。東家學嗜蒲葅味。蹙頞三年試敢嘗。

告邑二首見聚珍本卷十一

迴壕見聚珍本卷十二

僑居見聚珍本卷九

野望

皐壤一搖落。年華此向闌。雪雲從北暝。霜日帶西寒。漿酒喧神鼓。風毛送獵鞍。去邦猶未遠。差認漢宮盤。

觀相國長城公留題藥師院壁見聚珍本卷十一

晚秋月夕

萬里冰輪轉斗城。薄帷開望眼寒輕。金從佛國初移地。玉與仙家便作京。乾鵲繞枝經下苑。漢刀持夜發連營。謝郎莫惱情然意。欲把纖雲點太清。

答書見聚珍本卷十一

送客見聚珍本卷十

送蔣御史漕江南見聚珍本卷十三

萬秀才園齋見聚珍本卷十二

送范希文見聚珍本卷二十

詠史四首

肆威矜逐逐。索黨恣猖獗。盜跖真知道。餘財欲汙人。
青松獨受命。停雪待陽春。一遇樵人斧。同成樸樛薪。
虎嘯雲巖下。風生林嶺隅。須防威可假。慎勿逐城狐。
持鷸蟬謀壯。貪蟬鵲意深。漁人一拱手。彈者笑惜惜。

送梅堯臣

見聚珍本卷十

朱雲傳

見聚珍本卷二十四

送陳勳之

見聚珍本卷十

結課

結課天官啟。悲秋騎省孫。蟬嶮遺歲箭。飢饉別都門。餞蓋紛寒野。征檣拂曉暉。縣齋豐醉秫。無厭數持樽。

送潘祕校赴潁上簿

見聚珍本卷十

送馬房

見聚珍本卷十六

送明學士赴益州漕

見聚珍本卷二十一

和晏相公乘輿宿殿致齋日巡仗遇雪

見聚珍本卷十五

和晏相公青城

連天華帶竦南端。畫角吟龍疊鼓喧。按曲已休彫轡入。五營斜日亞旗竿。

和晏相公祀畢城馬上口占

七里城南紫霧霏。注旒叢轡蔽晨暉。風驅萬騎甘泉近。雲捧雙龍夏后歸。鏡鼓和歌扶輦道。箭囊傳契敞端圍。樂輿至門。都廬技養雞竿下。共望中天赦鵲飛。國朝肆赦日。每雞竿才鑿。而緣撞數。鵲踴組爭上。并雞竿。然後赦出。

和晏相公夜歸遇雪

見案珍本卷十五

景文宋公集卷第二十八

律詩

將還都寄獻臣見宋本
卷十三

早發

征客懷周道。飄然望日畿。天開閭閻近。星隱建章微。王固芻蕘往。駟原駉叱歸。詎能同野鳥。朝夕向臺飛。

送王識游洛陽見宋本
卷九

臘後書所見見宋本
卷十七

和御製皇太后恭謝太廟見宋本
卷二十三

有感

力守高皇約。高祖云。非
有功不候。祈還司隸章。翻身去殿檻。忍死出隸囊。豕突埋輪路。豺獠擇肉場。霜毫墨猶濕。迢

遞竄遐方。

莊獻明肅皇太后哀挽應制二首

寶慈垂母訓。一紀御璫除。地有占沙口。天仍補石餘。軒星淪夕緯。翟輅去宸居。異日金縢啓。方知復辟書。

太后上僊後皇帝於
巾箱中得明辟詔草

肝爪身無憚。寒暄疾有加。災生織女口。魂斷濯龍車。厥嬰浮辰旭。邊簫咽暝霞。唯留長樂注。刊美在皇家。

莊懿皇太后哀挽應制二首

國啟重雍祚。天推太極尊。夏祠今化石。堯母舊題門。不待寒泉養。空流渭水恩。烝哉王者孝。別廟奉姜嫄。遣饌行將徹。哀笳咽不前。風驚長樂樹。月苦附隅天。恤典樟章備。神塗駟駕聯。故奩脂澤具。留待上陵年。

送梁著作宰興平

班馬蕭蕭祖帳闌。曉參橫影送征鞍。春歸花樹排初薺。天廢關泥落舊丸。乳雉羣飛郊柘密。祕魚雙合省芸乾。霸陵草色無深淺。試爲南登一望看。

癸酉六月奉詔修籍田記十一月詔罷

見案珍本
卷十三

送張元安肅知軍

星闌幾日罷薰衣。萬里題封換使麾。都外鷗夷催駟酒。塞南楊柳望春旗。中軍尺檄閑飛羽。前隊鳴鶻列素支。競病不須貪賦韻。路人笳鼓記歸時。

偶成

不用真如鼠。胡瞻亦有鵠。田園未歸客。天地一畸人。京邑風霜苦。江鄉薇蕨春。可能逃鬼笑。長送左朱輪。

于帖巖以來經錢同舍秀州道鄉吳州
子野杭州伯垂鄭州仲辯凡四五人矣

晚春

露花裛裛開還徧。風絮飛飛去不休。春解無情春亦老。欲將寥落與誰愁。

送祝熙載見聚珍本卷十

送魚太傅通判漢州

縣野喜相依。長亭亟解攜。寒銷雲棧北。春徧錦城西。印轡傳芳藹。崑祠頌縹緲。時平通守貴。千騎闢鄴泥。

奉和御製後苑賞花釣魚應制見聚珍本卷八

莊惠皇太后挽歌應制二首

嬌幄柔明訓。堯闈保護賢。別居長樂寢。讓給水衡錢。慎疾方加膳。收神亟去僊。宸矜增服紀。追報煥終天。昔帝推嬪則。吾君賴母慈。陪陵漢家葬。異室閔宮祠。霧暗星軒隱。天愁月御移。翟車參享路。無復廟中期。

和石學士直舍晨興見聚珍本卷十九

仲微相過把酒有感見聚珍本卷二十

偶作

人遠言都廢。身閑道轉迂。是非纔一馬。多少但雙鳬。學稼慙農老。還山笑客逋。嘶蟬何所謂。相伴據庭梧。

詠葵

纖草無人愛綠葵。一生私意竟誰知。須防白日傾心處。自是中園衛足時。

和音

危弦度曲汎孤鈞。一世知音未易求。直把將雛爲陌上。主人猶復自搖頭。

馬比部赴兩浙提刑

兩漢爲郎選。南方奉使材。書隨星火落。帆拂斗牛開。月破濤收鷺。天低雨暗梅。却緣持節重。無客對銜杯。

郭仲微見過問疾

見聚珍本卷十九

楊柳詞四解

垂楊無態不堪誇。猶有餘情解作花。三月紛紛飛似雪。白門啼殺叛兒鴉。天幕風和畢雨餘。翠輕黃淺亞春衢。不知張緒當年日。似得長條濯濯無。苑路黃黃隔翠霏。三眠初熟倚春暉。枝枝柔曼皆堪愛。不分羌人拗折歸。玉樹森森拂曉空。子雲辛苦賦青蔥。不知荏弱當君意。却就長楊便作宮。

館中卽事呈郭仲微

仙山對敞直廬扉。繡徧緹油素領垂。鶯乘空陪天驥尾。羈禽不集帝梧枝。雲連帝閣朝曦早。花咽宮渠夕

溜遲何事夫君弄刀筆五年猶似鴈門蹄

仲微五年間再倅西諸侯一爲絳州不拜今亦無劇職如余之不偶

李德林

內史兵機是所長東師飛度取降王誰知一夕讒言入不得文皇七寶裝

夏日舊疾間發

見聚珍本卷二十一

鄭天休舍人言中丞晏尙書西園見憶

聞道青雲友曾過廣武廬中園玩蕭寂嘉樹日扶疎塢靜蟬鳴急花翻鳥集餘賦成誰見憶唯是沈尙書

送黃灝

見聚珍本卷十六

覽中丞尙書譙陳二郡新詩

見聚珍本卷二十一

自詠

見聚珍本卷十三

答客

見聚珍本卷二十三

秋日詠庭樹

見聚珍本卷十

病興早朝

萬樹冬瓏鳳闕西病興重喜趁朝闈初霞稍上巖廊戟落月催傳衛士鷄溫樹未凋風力薄仙杯已滿露華低明光一對清光罷昏目猶慚眩轉迷

送殿院張奎漕京東

見案珍本卷十八

和中丞晏尚書憶誰過二首

見案珍本卷二十四

西園晚秋見寄

見案珍本卷十一

九月十五日恩賜禁中所種稻二把米一囊

見案珍本卷十三

和晏尚書詠芙蓉金菊

千疊綃紅抱藥乾。一番金雨映趺攢。比來醉筆賡新曲。簡上飛霜不擬寒。

雨中罷直

禁樹連天雨送秋。千門寒氣襲輕裘。優旃不用誇諧辯。陞楯諸郎已得休。

和梅侍讀給事秋雪

見案珍本卷二十

當直偶題所見

凍序閑綈簾。輕寒著黼帷。仙盤迎日早。溫樹得霜遲。風觸趨朝珮。霞纒放仗旗。殿廊聊暴背。誰訝子雲衰。

和君山與楊子雲奏事坐白虎殿廊下以寒故背暴

禱祠宿太常院閒翰林兄長內當

碧天霜氣夜稜稜。人在龍山第幾層。靜極禁闌閒下鍵。暝深連閣見通燈。薰薰浮篆才餘火。酒滴供研自

不冰無柰此時懷共被。各分臺署擁青綾。

李仲令挽詞二首見聚珍本卷十一

出城寫望因侍祠出宿

驅車南陌道。物色喜春還。水暖初成浦。雲晴不抱山。原姿平澶漫。禽哢巧間關。此適非謀野。祠官只在閑。

禁門待漏見聚珍本卷十三

寄葉道卿見聚珍本卷八

和中丞晏尚書春陰見聚珍本卷十四

海棠見聚珍本卷二十三

小桃二首見聚珍本卷二十三

海棠見聚珍本卷二十

與獻臣希深伯中源叔景純會飲城東小園見聚珍本卷二十三

清明值雨見聚珍本卷二十

和三司晏尚書護成

日烈花休樹結陰。紅牙貪調萬黃金。伯松不學陳遵飲。爲識鴟夷是酒箴。

扈從至奉先寺回

見聚珍本卷二十二

乾元節錫慶院燕

盛節推慈洽宴觴。千官不拜儼分行。撈彈併給黎園部。曼衍爭趨角觝場。傳炙濯壘紛絡繹。神仙綵樹互低昂。名香面內于胥樂。歡譁遙通載斗香。

皇太子誕慶

軒祐深叢祐。文支此挺生。重輪當月滿。一索應乾成。瑞曆昌綿緒。天弧仗左擎。海雖分幼潤。星已慶前名。緩帶羣心洽。吹銅順氣迎。歡觴交祕幄。曲救徧離京。漢祝昭祺祝。周篇記路聲。從茲詒翼永。斯萬見承平。

三司晏尙書西園玩菊

見聚珍本卷八

送郭太保知相州

見聚珍本卷十六

和三司晏尙書秋詠

見聚珍本卷二十三

王沂公挽詞三首

見聚珍本卷九

送靜照大師歸餘杭

見聚珍本卷十七

翠樾亭

見聚珍本卷十四

屬疾

見聚珍本卷十二

景文宋公集卷第二十九

律詩

馬上見殘月見聚珍本卷十

聞蛙二首見聚珍本卷二十二

祇答晏尚書懷寄之什見聚珍本卷二十三

早秋二首見聚珍本卷二十四

冒雨晚歸馬上口占見聚珍本卷二十四

下直

殿樓傳鼓報歸鞍。槐道逶迤出九關。雨罷浮雲留北闕。朝來爽氣徧西山。倏逢行轡排朝度。稍見晴鵷接翅還。癡計未容官事了。只驚潘鬢颯然斑。

宣獻宋公挽辭三首見卷十八題作司徒侍中宣獻公挽辭此係重出

春雪寄鄭府尹見聚珍本卷十五

和三司晏尚書西園暇日

陰陰嘉樹雜花殘。下曉行吟靜更歡。草葉參差聊藉帶。竹皮粉墮卽爲冠。餘杯更辨浮冰酎。小衽初思御月紉。公有吾廬無限愛。海圖周傳不同看。陶淵明詩有吾亦愛吾廬之語。又曰汎覽周王傳。流觀山海圖。

旬休二首

見聚珍本卷八

禁中垂柳

曼線長枝不自收。天姿濯濯與風流。已隨曉佩拖三綬。更伴春旗亞九旒。盡日舞殘芳吹在。此時眠熟暝煙留。宮中二月多行樂。爲掃清塵待翠虬。

元會詩六首

第一首見聚珍本卷八

亨運樂斯逢。多儀粲云展。雜襲置蘿圖。顒昂瞻遽冕。汾城履行進。分墀佩聲轉。資極自成恭。歡餘還作抃。惟新茲首祚。傾祝乃祈年。光華無輟旦。先後不違天。賀牘紛陳几。祥圖鶴奏篇。南金照靡麗。塗玉截防鮮。穆穆集華蕤。煌煌開燕席。壽薦萬年觴。音諧四廂石。右秉蠡文羽。左軒揚武威。再飯人屬厭。三行酒溫克。陽秋履端月。象魏布和辰。解辦穹廬使。吹笙萍野賓。帝暉仍接晝。皇澤共成春。盛禮年年覩。祥祺日日新。自昔君無勞。有言朝不夕。遙聞索扇上。已見歸輿飭。千門詔解嚴。萬官均詠德。愧以斐然章。無裨從臣職。

和官師陳相公

公辭四輔貴。纔營三畝園。來詩有城中三畝宅之句。此地山林樂。當年巖廟尊。庭藹有新馥。郊禽無近翻。熟喻治窮僻。

乃符蕭相言。

和晏太尉二首

紫宸賜宴 見聚珍本
卷二十三

寄君玉學士

鷄橄防邊未得休。又停歡酌爲前籌。良辰併賞何憂晚。它日三公尙黑頭。

和致政燕侍郎舟中寄晏尙書 見聚珍本
卷十八

和晏太尉懷寄燕侍郎

賜車高掛得長閑。猶寄南宮事外官。招隱新君無怨鶴。趨朝舊路記翔鸞。滄浪濯罷垂纓懶。礪塊澆餘著酒寬。行到昔人知足地。羨君容膝易爲安。

和晏太尉三月十三日錫慶院二首 見聚珍本
卷二十三

和晏太尉西園晚春 見聚珍本
卷二十三

旬休 見聚珍本
卷十三

送越州陸學士 見聚珍本
卷十四

和天休龍圖經句署懷舊憶道卿舍人并見寄

帝梧春早二鸞飛。羈羽孤翻得樹遲。今日併巢阿閣畔。依然同識舊棲枝。
諷書小史非新至。比舍名郎半昔游。君筭青雲多少地。三年來作北平侯。

送福州通判陳鑄

州閣紆新綬。鄉枌歷故塵。先驅長卿貴。隨子大家賢。桂蠹閩君貢。刀耕越俗田。春郵有歸信。正待早梅傳。
戲招君況舍人

紅白戎葵相間繁。含情盡日對書軒。夫君太特西垣貴。只愛當階藥樹翻。

答道卿舍人桐竹之嘲

見聚珍本
卷二十四

馬上遇雨

見聚珍本
卷十七

送黃祕校

見聚珍本
卷十

送承制劉兼濟知原州

見聚珍本
卷二十

卽事

見聚珍本
卷十二

對月

見聚珍本
卷十

喜仲微學士直右史

殿棟洪紛冒紫霏。新聞再拜上丹墀。
左右史初到職。必再拜乃升殿。日高中禁仙香馥。聲度橫街赭傘移。寶校對呈天廡。

馬輕兵看閱羽林兒。因君此際磨坳墨。偏憶當年第二螭。

行香

見聚珍本
卷二十三

和晏太尉晚夏

炎威不可度。永晝坐南軒。蟻過閑占雨。蠅來自厭樊。林披衆果熟。池靜數荷翻。早晚韓鷹習。乘秋擊迥原。

和王龍圖七夕直宿

見聚珍本
卷十六

和道卿舍人奉祠太一齊宮

見聚珍
本卷八

和道卿舍人承祀出郊過西苑馬上有作

見聚珍本
卷十九

皇子封建詩

晬表歧姿茂。皇基慶祚融。玉圭先啓國。銀榜後題宮。茅襲封壇舊。金頒瑞節雄。恩添少海潤。歡激小山風。抱拜殊藏紐。敬言異戲桐。燕詒光祖烈。調護切宸衷。育德吾君子。庸親天下公。異時瞻出閣。縣飈頌無窮。

比日

比日投簪隱。孟峯列舍椽。值巖因作牖。仍礪卽疏泉。斧爛仙基路。花飛佛雨天。諫帷他夜夢。猶在翠微巔。

宿直

三重仙閣道家山。寓直由來惡素餐。漏近章溝先報暝。樹連溫省未知寒。蘭釭靜對朱花結。芒帙閑披白

蠶乾前膝正宜無夜召。賈生衰髮僅勝冠。

晚秋集晏太尉西園

邂逅翹材客。乘秋共涉園。淺葩歡所媚。寒日醉中暄。目遠鴻堪送。蟬休鵲自翻。長年無所嗜。惟有不空尊。造適銜杯醕。情來念物華。喬柯寒自顙。荒菊晚猶花。袞袞飄談麈。焯焯下日車。歸鶻侵暝鼓。無復避堤沙。

監中會雨禁諸公飲餞吳舍人梁正言富修撰葉龍圖以計省不赴作詩見寄

見聚珍本卷十五

和待制龐學士寄獻宮師陳相公

見聚珍本卷十四

次韻和宮師相公因待制龐學士賢年二韻易川然兩字

龍樓一品亞台聯。佚老歸來帝養賢。商皓嶺芝追隱伴。胡公潭菊得高年。客盤梅熟經調鼎。宴渚舟橫舊濟川。延閣裁章紆和曲。玉音風馭共冷然。

屢乞近郡詔不許

見聚珍本卷十四

次韻和宮師相公南游舊山還及闕下二首

見聚珍本卷二十三

答天台梵才吉公寄茶并長句

見聚珍本卷十八

和晏太尉三月望日

見聚珍本卷二十三

和晏太尉早夏

寂寥春藹盡。岑蔚夏陰稠。舌反禽稀弄。頭昂麥併秋。直宜處臺榭。稍欲厭巾幃。可待蒲葵直。思從謝傅游。

晨赴書局

見聚珍本卷八

送謝處士南歸

見聚珍本卷九

和樞密晏太尉元日雪

見聚珍本卷十三

送連庶

見聚珍本卷十

景文宋公集卷第三十

律詩

出穎上唐公張集仙相勞見聚珍本卷八

過肥口二首即晉師破符堅處

肥水縈如帶。淮山崢似雲。此時聞鶴唳。無復畏官軍。丘醜矜凶甚。臨流列萬幢。由來不出項。何苦欲浮江。

初到郡齋見聚珍本卷八

行樂二首第一首見聚珍本卷十。第二首見聚珍本卷二十三。題均作行樂。

中秋夜不見月二首見聚珍本卷二十四

木芙蓉盛開四解見聚珍本卷二十二

仲冬二日使到頒翠毛錦旋欄見聚珍本卷十三

立春前二日獲雪見聚珍本卷二十

聞歸鴈見聚珍本卷十二

一百五日官舍作

晉歌本自傳幽憤。楚俗緣何作勝游。宴豆雕文誇淪卵。俠場星影鬪飛毬。光翻蘋吹都無力。暖著花煙不肯流。擣杏沃錫紛節物。更慙多病怯寒甌。

書齋前柏八株森植翠茂

見聚珍本卷二十二

已落牡丹

世間惟有不勝妍。愁對韶華欲暮天。已被風開又風落。要爲人羨卽人憐。

淮山

見聚珍本卷二十四

郡圃

側曲艷歌閑送日。晚花初葉暗留春。舞狂風蝶時過樹。啼熟林鶯不避人。

小荷

見聚珍本卷二十

池上

晚曷西池上。池清暑氣微。雲煙互明滅。蒲荇兩因依。戲鰕來無定。眠鳬久自飛。紛吾刀筆慮。逢此憺忘歸。

淮祠謝雨

雨罷天披霧。杓回夜向晨。煙蕪出郊路。燈火侍祠人。破月斜銜桂。傾河淡掃銀。三時此修報。慙負駕崧輪。

晚夏高齋看雨

雲族窮天雨足垂，繁聲涼陣挫炎威。圓荷萬蓋翻珠琲，綠稻千畦灑佛衣。迎浪孺魚銜藻擲，逆風雛燕入樓飛。原田潤浹吾農樂，簞笠紛紛晚未歸。

題挽鄧亭

亭學士楊察所修既成而楊被召故僚屬共名之

鄧守挽不住，眷予番久留。決非人所挽，胡不理歸舟。

到官朞月病益損樂職感懷

天與疎慵地，人無榮進心。死灰差免溺，奴甲反。棄杖卽成林。主諾固多暇，避賢懷所欽。難邀潁川鳳，敢望漢

臺金。漢時太守增秩賜金。倚酒狂雖在，前衰歲已侵。恭聞容考績，緣此未投簪。

苦熱二首

夜火雖中氣未清，簷頻練倦若爲情。峯雲不動林煙熱，正爲蜩蟬作沸羹。

秋陽晝長不可度，身被單葛如重裘。何當急雨洗天地，坐使清風還九州。

七夕

見聚珍本卷十六

秋夕不寐

見聚珍本卷二十二

木芙蓉

見聚珍本卷二十二

酒胡

誰刻優胡象。來爲飲席珍。不因君屢指。幾音作獨醒人。

觀舞

蹀躞趁繁會。婆娑無定妍。心知吾地廣。長袖得回旋。

峽石寺

見樂珍本
卷二十一

寄獻楊州

平昔懷親友。銷魂重遠辭。于今急難地。那復別離時。脫木乾坤晚。窮途日月衰。憂餘曾得慍。惺罷返無溜。楚分多連澤。淮居止雜夷。持尊相望意。不減見瓊枝。

過惠崇舊居

崇工詩有名于世
見樂珍本卷十

哭郭仲微三首

見樂珍本
卷十一

讀賈誼新書

誰謂賈生學。兼之文帝朝。死憂王墜馬。生賦鵬如鴞。被召宣溫密。矜功絳灌驕。勤勤論五餌。史筆未相饒。
班固嘆五餌以爲疎。蓋不見賈生之功成耳。

讀史

昔事堪追咎。斯人亦寡謀。臧倉君側毀。趙孟死前偷。直筆空料理。忠臣遂隱憂。只應詒後世。三歎廢緹油。

讀巷伯章見聚珍本卷二十四

對白髮自感寄揚州

四十仍逾四。顛華鑷更新。應從多病日。遂作始衰人。毀積方銷骨。經窮先腐唇。竟誰憐種種。由此到諄諄。軒冕間關路。風波蹭蹬身。兄今又過二。何術奈蕭辰。揚州又大二歲其衰可驗。

偶書見聚珍本卷二十一

思歸見聚珍本卷二十一

守歲見聚珍本卷八

得故人楊備書見聚珍本卷十九

詠懷二首

榮願日云暮。安論輕且肥。穠脩元抱病。遽晚況知非。餌落愁魚鯁。巢成羨鳥歸。吾生江海志。終不與心違。盡信書奚信。難言命敢言。竟誰成簡冊。無客問乾坤。值狩麟猶泣。遭君鶴乃軒。滔滔千古事。惟有付芳樽。

閒蟬見聚珍本卷九

有懷寄同舍見聚珍本卷十八

述懷感事寄子明中丞見聚珍本卷二十一

景文宋公集卷第三十一

律詩

秋興三首見聚珍本卷十二

不寐見聚珍本卷二十三

送張司勳福建轉運使見聚珍本卷二十四

舅氏自壽陽由京師歸安陸見聚珍本卷二十

尹學士自濠梁移倅秦州見聚珍本卷十九

送蘭殿丞赴闕見聚珍本卷十八

送黃寺丞謫濠梁見聚珍本卷十二

重陽前二日喜雨答泗洲郭從事見聚珍本卷二十三

得杭州鄭資政書見聚珍本卷十八

答宿州王素郡官見聚珍本卷十七

答戶部句院王學士泊滄陵見寄見聚珍本卷十八

寄宿州王都官

見案珍本卷十七

和資政諫議六章

初到郡齋三首

見案珍本卷八

東亭

見案珍本卷八

秋日西望

晚衿清曠屬層樓。搖落乾坤共作秋。正爲中山存闕意。得無平子側身愁。

東亭

見案珍本卷二十四

柔上人

字年八十不出夜讀經見案珍本卷十

奉和宮師相公流杯亭詩并太傅相公樞密太尉和章次韻

築巖春脉下飛泉。林閣留賓敞慶筵。流水環階智者樂。醇醪飲吏相君權。

曹參爲漢相吏有欲言事者。和參飲以醇醪使不得開說。

歌遠屬鈞樞舊。禊帖閑存爵里賢。此地勝遊誰復見。醉波深映六符天。

憶舊言懷寄江寧道卿龍圖

下蔡行差近。金陵路更東。忉忉成念遠。咄咄但書空。恩厚容藏疾。時亨遂諱窮。祿慙千石守。老謝一錢翁。

憶昨趨陪日。仍緣班序同。君始入四掖予升內閣。每內朝同班。我生真寡合。君量自旁通。散袞疑皆瑩。忘疲宴屢終。聯驂屬

車後。數會未央中。禁樹排頭碧。銜旗曳尾紅。龍銜接騶士。賜管鑲宮工。慈豆分堯筵。歌雲識沛風。斯文誠有屬。吾道匪常隆。秦市俄驚虎。鈞天亟駭熊。塵埃忽蒙白。桃李併來蟲。箕次橫長舌。鼙輪走轉蓬。歇芳間鷓鴣。禦濕問芎藭。可笑矜疎節。私憐抱朴忠。望霄嗟墜雨。歛翼避虛弓。尙忝銀符密。貪誇隼旆雄。王魚供晝啜。淮魚味甘。色如白玉。珠米報秋豐。州貢米有隔羅光粒粒如珠。病久衰還早。身閑意愈冲。虧全從月嬋。喜怒任狙公。急景沉歎緒。長波隔訊筒。南飛俱似鵲。北嚮未如鴻。二關懷趨走。道卿直龍圖。予待詔天章。重開限鬱葱。惟應心報國。丹赤關江楓。

喜連君錫過郡

見聚珍本卷二十一

答李從著作

見聚珍本卷十六

答客

見聚珍本卷十

和延州龐龍圖見寄

見聚珍本卷十六

再寄

見聚珍本卷十六

次韻宮師相公答太傅相公秋書

見聚珍本卷十五

次韻罷相游故園

見聚珍本卷二十二

憶與唐公西湖

見聚珍本卷二十三

九日憑高有感

見聚珍本卷二十四

望仙亭置酒看雪

見聚珍本卷十五

望仙亭晚睡

見聚珍本卷十一

九日置酒

見聚珍本卷十八

清明日集西園

見聚珍本卷十七

峽石乘舟晚歸

見聚珍本卷二十

望仙亭書所見二首

見聚珍本卷八

冬日城樓駐望

城上危欄徙倚頻。由來荆楚歲時新。寒塘酒幟能留客。晴塢梅花解笑人。客鴈參差仍向渚。貪魚撥刺不空緝。憑高更盡三吹角。坐見霞霏仄半輪。

西園

日涉中國路。昌昌春意深。鳥新無罷囀。雲暖不常陰。秀色平連野。芳姿細著林。歡言挈齋酒。值興卽徐斟。

二月十四日西園晚眺

見聚珍本卷十一

齊雲亭晚眺

見聚珍本卷八

西園三月十一日

春園來繼日。疊葉暗東西。蔭樹都成幄。尋花旋作蹊。沼魚銜尾戲。林鳥合聲鳴。寧暇并州問。山公醉自迷。

小酌感春邀坐客並賦

見聚珍本卷十二

出城暫憩林下

見聚珍本卷九

晚夏西園二首

道樹陰陰密。畦泉活活流。梨成津向潤。瓜熟子相鉤。日晏坐中園。清襟注迥軒。輕颺逢葉動。小雨得荷喧。

望仙亭北軒晚思

見聚珍本卷二十四

齊雲亭憑高有感

憑高極目意茫然。坐對淮南搖落天。空把歸心同客鴈。遂將緘口伴寒蟬。一罇醒醉黃花外。萬事蕭條白

髮前。誰取長弓射鳥翼。休教西日送凋年。

晚眺

見聚珍本卷十一

晚秋西園

西園來最數。要是使君閑。塢有常眠石。臺無未識山。池光兼日動。楓影帶林殷。鳥沒蒼茫外。天垂搖落間。歸雲高杳杳。黃菊正斑斑。幸有齋中熟。無嫌向晦還。

景文宋公集卷第三十二

律詩

有詔換淮陽

見案珍本卷八

閏九月晦日登舟二首

見案珍本卷二十二

去州三宿八公山宛然在望

山長如不去。三宿趣行舟。未必緣人意。祇能攪客愁。勸程方浩蕩。回首更夷猶。獨有相思恨。因之東北流。

同張子春淮上作

見案珍本卷八

道中二首

故歲南趨壽。今茲北向陳。淹留桂枝客。還入玉關人。髮髮都成葆。纓纓幸濯塵。心知來往數。不敢問迷津。
橫船清潁岸。岸豁見高原。桑柘寒煙路。牛羊落日村。扣舷漁艇集。爭食渚鳧喧。去去風波事。逢人未易言。

晚發二首

候鼓遙喧岸。行舟逆上湍。輕烟著波面。斜月罷林端。颯杳鳧鷖亂。蒼茫葭葦寒。使君何所憚。便道許之官。
曉瀨雖能迅。寒流不復漲。林聲散棲鳥。隄影度風檣。茲歲方云暮。吾行未渠央。病身非汲黯。安敢薄淮陽。

宛丘作見宋珍本卷八

喜雨見宋珍本卷十八

春晚官舍呈幕中

萬點飛花拂路塵。行春罷後惜殘春。雨催菖葉全成甲。風播榆錢不算緡。多病已慚官縶束。長年惟共酒杯親。坐題吏諾君何怪。只是漣漪素食人。

一百五日作二首見宋珍本卷二十二

滁州趙學士重脩懷山松樓見宋珍本卷二十

暮冬城上晚睡見宋珍本卷十六

按務東橋駐望

岸峻雙旌駐。橋橫一水長。凍舟真欲膠。低鴈劣能行。發發天含顰。稜稜野雨霜。停驂重回首。直北是吾鄉。

行春野外見宋珍本卷八

登清思堂寫望

迢遞陟城隅。飛軒浩氣扶。春容來迥野。天脚入平蕪。暖吹時披拂。晴烟乍有無。擣痕經雨徧。村逕值林迂。長庠初休馬。荒陴稍集鳥。水生蒲澤漫。林缺葦臺孤。客思紛難泊。愁衿愧自拘。久之成悵望。西北認皇都。

寄公序資政給事

見聚珍本
卷十八

答翰林蘇學士

見聚珍本
卷十七

喜翟穎先輩至有感

門下客逾落。胡爲君見從。堅餘仍顧飢。寒罷始知松。休計流光邁。聊欣此地逢。已甘漂似梗。寧止啞如鐘。仕路惟希退。鄉評幸見容。病偷它日壯。衰作長年慵。世態同波蕩。交情敵酒濃。好堅歸去約。相伴老三封。

元本此下重
疊末皆佚。

景文宋公集卷第八十一

元本卷首
第一頁佚

表

代鄆州王資政謝上表

臣某言。奉違帝幄。甫洩价蕃。切三輔以聯圻。長萬夫而膺政。感隨戀結。榮與愧并。中謝切念臣本以中材。弗期應仕。先帝拔之凡瘁。飭以龍光。敕夫用拙之艱。詭其效智之實。與聞國論。參服臣鄰。自爾叨食寢浮。計恩逾厚。越逢下武。丕荷慶基。垂念舊人之庸。俾行丞相之事。時惟物載。謙有未遑。介于兩宮。政亦多故。而臣荷知人於真聖。念在耳之緒言。冀蹈朴忠。歸報明辟。執據典刑之重。傳會幾微之宜。一心事君。朝廷尤悉。千慮期得。夙夜所強。寧無媒孽之乘。果從災異之免。六更年籥。三易守符。嚮沐召歸。再加拔拭。始由樞省。俄正台司。臣亦知遺簪蒙顧之餘。鳴鶴失旦之後。方且擇典之令。保節之甘。慎獨閑邪。誠明遠悔。壓棧虞棟。幹之撓。折足畏鼎。飭之羞。漸冀協恭。□□同底。其如窮陰難忱。稿質易衰。病目眩於臨文。蹇步疲於拱著。三吏者彌綸庶采。外朝者景式辟工。苟容具臣。焉謂彼相。輒啓還於魁柄。謀退保於餘年。危惴上聞。費辭貽瀆。敢謂尊號皇帝陛下。納之大度。惠以有終。延聰聽於蓋高。塞煩言之先入。時推麗澤。用獎告勞。升冠揆陪。崇兼禁職。擇濟深之津奧。距齊魯之富穰。垂許典州。漸令佚老。前瞻天邑。無勤象闕之思。右

鄉疇。易及角巾之計。曲成至此。大造難酬。伏況玆測屢空。稼茨其稔。室盈杆軸。無乏於二東。吏勸農桑。明宣於一札。願寬旰食。冀力循良。邇邇綴以方遙。注孤情而奚極。臣無任

生日謝生餽表

臣某言。門弧蓬筓。私誌於始生。牢餽坊尊。旅霑於蕃錫。感親懷之不逮。媿君賜以無從。登受以還。腆榮罔寘。中謝切念臣代惟羈齒。才本拘儒。乏于內之美猷。與惟幾之祕筭。幽而當黜。日儆於攸箴。求不爲瑕。上庠於大度。然而拙牽其分。志奪於衰。始蒙晏晏之風。寢介容容之福。何圖暮齒。彌示矜憐。因震夙之有初。憫劬勞之永謝。特頒多物。俯續頽齡。鍾庾陳庭。曾襲嗣道。回望秋之蒲質。更俾欣榮。駐仄日之缶歌。仍資宴喜。斯蓋尊號皇帝陛下。懋敦邦憲。欽待臣鄰。因舊體之則然。諒孤生之曷稱。撫躬銜遇。靡踵爲酬。臣無任

讓恩表 見案珍本 卷三十八

代進新稻雙竹詩表 見案珍本 卷三十六

謝恩表

臣言。昨以遘勤歸之慶。膺序進之褒。尋述讓封。亟煩敦詔。蒙心慮於再瀆。君貺難乎重違。拜受以還。榮忝參極。中謝切念臣學穉半古。智不兼人。參筭斗樞。嚮周閭簫。仰丁至治。丕通舊章。恭挖嘉壇。稟侑上帝。美

祥來答。繼日月而可書。渙號遂行。塞天淵而交抃。惟茲卹祀之重。實與相儀之行。早苦病衰。僅逃跛倚。猥緣近侍。亦冀賞料。慮塵不僧之飲。輒罄自知之訊。冀還渥綈。少息震惶。而善聽既高。危心終隔。固執其介。則違聞命之恭。寧忝其榮。以圖保往之報。然念茂功匪建。美號前加。品章表於魏階。勳柱隆乎楚綬。茲爲徽數。曷允師言。此蓋中謝尊號皇帝陛下。能哲有初。推仁無貳。獎纖塵之益。以勸事君。法景風之來。速其行惠。俾夫無狀。叨厥懋官。誓斷斷於公心。答恢恢之私覆。無任

代謝進五箴獎諭表

見梁珍本卷四十一

代張屯田兗州謝上表

見梁珍本卷四十

代石少傅謝恩澤表

臣某言。伏蒙聖慈。特授臣姪孫某某官者。聖澤下頒。詔綸有煥。慶叢閭闔。光勳里閭。中謝伏念臣退迹榮榮。餘年種種。尙叨儲傅之秩。許懷家巷之安。養且有仁。德將焉謝。近緣誕聖之節。更陳延賞之求。伏蒙尊號皇帝陛下。大度包荒。至慈及物。甫從人欲。卽霈臺恩。孝治方隆。許及宗親之末。衰容無狀。更流枝葉之榮。揣分既逾。糜軀曷報。

代人陳情表

見梁珍本卷四十一

代人乞出表

見梁珍本卷四十一

代陳州章相公乞致仕第一表

見案珍本卷四十一

代石少傅賀南郊禮畢表

臣伏觀今月二十五日南郊禮畢者。國祀告脞。天行飲至。慶騰方夏。歡浹綏紳。竊惟恤祀以誠。有國之大節。饗帝爲報。唯聖之上儀。矧三歲以躬行。合百神而並職。本朝所重。綢繆攸先。恭惟陛下。誕受蓂圖。丕承前憲。躬自儉薄。政實焦勞。百穀已登。坐躋仁壽之俗。五兵雖用。常戒忿鷺之師。是以列緯澄霄。尤祥駢牒。用懷景貺。乃講鴻儀。申敕庶官。駿奔百執。款殊庭之祕奧。覲清廟之邃嚴。遂及郊丘。祇奉圭幣。儀必及物。史皆信辭。樂六變以咸和。合祛乎天地。禮三獻而不怠。哀對乎祖宗。熙事備成。至靈歆感。逮彫輿之旋軫。坐巋闕以推恩。澤與雲翔。俾羣元之更始。命先郵速。包無外以相歡。昭洗故疵。導迎新祉。臣幸還所事。繼屬縣病。留滯一轡。空羨藻鬼之簋羽。蹠跚三陌。但同陽翟之傾心。引領私門。注情神闕。

景文宋公集卷第八十二

表狀

代南郊乞姪男恩澤表見卷四十一

代謝加恩表見卷三十九

代生日謝賜羊酒米麵等表見卷四十

代陳情乞尋醫表見卷四十一

代乞自試表見卷四十一

代轉戶侍充職知廬州謝表見卷四十

代薛資政謝許住京養疾表見卷四十

代謝加職任表

祗膺洪霈。伏積深憂。竊以鑾坡爲侍從之榮。天畿居郡國之首。唐垂四禁之制。謹申命於時幾。漢列三輔之圖。愼觀風於大衆。必咨邦彥。始允公言。竊念臣材出下中。世惟寒素。先皇帝識自無聞之伍。擢于尤異之科。歷玷仕塗。窺寢玉體。九德咸事之世。叨服上仁。下官不職之誅。幾煩深刻。內惟陋寡。姑守樸忠。愼夫

繼磷之遷。安于庖祝之分。屬以重明紹纂。慈治協宣。樂鳧鷖之守成。並循先憲。均山藪之藏疾。垂采空名。入玷星垣。預裁芝誥。昭昭天采。罔裨灝噩之風。坎坎河干。坐愧淪漣之刺。方議免冠之請。以懲褻被之風。敢謂陛下。慎緝邦經。恢明官式。謂鵠長鳧短。難強於委材。而兔極犬疲。可矜其倖盡。俾條久次。推進茂恩。升嚴署之重深。兼神臯之積劇。永惟二事。宜得烝髦。詎茲無狀之臣。可玷類能之舉。難祗成命。曷弭煩言。謹當精索隱微。勤居夙暮。君如堯舜。奉不律以修詞。前有趙張。按成規而措事。庶逃尸監。上答睿明。

代楊鄆州謝上表

蒙恩授臣知鄆州軍事。兼管內勸農事。卽於今日到任。上訖。謬分左契。臨長東人。提千騎之雍容。有六條之森備。出麾有幸。坐閣增榮。切念臣箕斗虛名。丘園微介。決科僅中。論績稍遷。遵明辟之纂圖。忝望郎而升秩。用惟枯木。不自先容。細及秋毫。罔非帝力。但罄如絲之亮。曷知媚竈之求。終賴洪慈。免其大戾。甫周一閏。更典三藩。銜褒藪以見容。負支離而竊祿。昨緣便道。獲遂造朝。許留數刻之閒。俾與百金之奏。俄煩節召。改錫袍紋。追露冕之爲榮。均解衣而拜賜。胡然頑陋。縻爾龍光。斯蓋伏遇陛下。遙駿先猷。亟蒙庶品。謂乎俎豆之無越。矜其丹旆之可塗。曾不疵瑕。猥從器使。伏況汶陽疏壤。魯道遺黎。昏作屢豐。敦龐俾父。雖屬河公之近決。不妨田峻之有秋。惟冀至仁。少寬中昃。臣敢不內循丕訓。上體寶慈。列三壤之埴壚。勤修稼政。愛二東之杼軸。底慎邦財。儻臻樂職之風。冀贖浮人之刺。

太后表

瞻遠天咫。祇率星言。趣四牡以載馳。戾萬夫而樹政。大東之奧。剖左爲榮。竊念某。曾本顓蒙。數惟奇隻。早辟縣官之使。遂代上農之耕。曾乏所長。仰裨乃事。支離有素。居延受粟之譏。樸屬而生。久玷能官之詠。連更郡寄。再覲宸嚴。清明會朝。與陪於有著。好醜必上。令盡某所言。復加五品之章。以示百城之寵。洪惟幸會。竄絕擬倫。斯蓋陛下仁篤好生。惠深藏疾。扶盧直鑄。各盡於有能。溢海附山。或取其微益。俾茲瘠野。尙玷寵私。矧汝上之名藩。本魯初之奧壤。承平在旦。富庶敦風。臣敢不律乃軀。撫茲善俗。中庸厥履。日夜以思。束矢鈞金。體欽哉於庶獄。杏華菖葉。誠勤止於斯民。少寬當辰之勞。上答包荒之賜。

代孫侍郎謝加龍圖閣學士一表

見梁參本卷三十九

皇太后表

見梁參本卷三十九代孫侍郎謝加龍圖閣學士表第二首

代張相公乞致仕第二表

近以寢迫衰年。啓歸宰政。仰紆聖詔。中祕俞音。抱威雖叢。撫情難隱。伏念臣材資素下。世系本寒。先帝擢自草茅。飾之丹雘。不知鶩鈍之素。與聞政事之宜。位過其涯。民胥多謗。時屬陛下茂溫文之懿。膺七鬯之承。實參乃僚。俾輔成德。親奉清明之始。已階極近之聯。廩賜日優。名器雙假。自爾秉旄在外者再。當軸居中者三。責任併加。謨謀弗稱。羣臣之所同悉。上心之所自知。遭時治平。容得無吝。方今邊鄙未靖。師旅且

勤吏苦遠餉之勞。民罹橫調之役。上干穹昊。延致沴災。辰不用行。風終而噎。煩側身於昧旦。形罪已於至言。咎靡自它。臣任其責。當從司敗。亟正嚴刑。尚沐包荒。趣圖就效。然而鍾漏餘景。迫已耄之辰。蒲柳痿羸。無可勉之狀。尚儉安於天秩。必取悔於朝暮。伏況請老者禮經之常。乞骸者邦典之舊。揆臣之齒。久已過期。行己之方。亦當專事。伏唯陛下。句全要領。賜罷丘園。憫盡力於壯時。惠克終於末路。至若動危辭任。已寬弗忍之誅。得謝推仁。方伸不奪之志。罄辭翹慮。須可爲祈。

代張相公乞致仕第四表

近以馨露乃誠。上還所事。猥紆深詔。卽斷來章。情有未申。義無苟默。罔逃冒格。終冀矜俞。切念臣淺器薄才。遠塗暮景。嚮緣舊物。再忝上司。貪懷感會之華。久孤丞弼之委。遂乃延災列象。取玷盛辰。師積歲以留屯。人餉邊而重困。廟議之失。實始建明。國典所懲。自當先坐。而冥煩近識。昏耄浮齡。但安舍垢之容。罔慮妨賢之素。靜言內訟。悅悟前非。是以仰丐菟裘之營。苟紆石慶之責。祈收印綬。許罷丘樊。外則圖天變之銷。內則期台路之穆。上全爲國之惠。下安知止之常。夙夜以惟。始終交允。且念士無奪志。則臣之申請者三。禮著引年。臣之過期已七。危驚備悉。嗟耄幾何。伏望陛下。寬無狀之往誅。軫必從之今欲。俾其納政。許以乞身。得均請老之流。是無齎志之恨。必若寶慈未忍。可制中留。便當與疾遁歸。頓纓狂蹈。自捐餘齒。或累大恩。言瑣喻繁。所希開允。

代張相公乞致仕第六表

茲者叩關五請。須命再旬。畏責任之道悠。迫退歸之日短。未蒙順許。始示褒存。而言納無可喻之情。志窮有不奪之介。尚餘確控。終冀垂矜。竊惟就列授能。審於自卜者。臣之誼也。疏祿養士。恩不聽辭者。君之仁也。推其仁。所以穆御邦之要。秉其義。所以崇視履之方。事主保躬。二端而已。如臣者早緣舊物。更踐上司。高秩厚封。乘時而感會。誓言謬策。見納於唐明。筌宰相期。底裏交照。至於三揖在下。靡猜貳之嫌。百度與朝。皆聖真之舊。臣雖無狀。容可自安。但以衰朽之年。朝夕難保。法當得謝。古所引年。久尸厥官。焉用彼相。異日干校人之議。煩司敗之歸。雖使亟海包荒。回霜屈憲。而叟臣秉誼。得無愧知止之明。元后推仁。且將詒鮮克之悔。今茲納政。允謂得宜。伏望陛下。普訪羣謀。追觀往則。丐全要領。俾守丘園。紓日昃之深嘆。免夜行之明刺。亦且萬無纖隙。可累於朝。猷百兩餘生。有終於天造。翹心引領。用俟俞恩。

代乞罷第四表

比以三陳奏牘。上納政機。願乞槁骸。得去公路。而中詔垂錫。俞旨未開。切敕斷章。卽還視事。苦情既暴。拙喻已殫。不能拂天聽之崇高。回帝矜之感惻。拒命賊罪。誓守愈非。竊執愚冥。終祈順許。恭惟窮其所不能者。非用技之善。覆其所既滿者。非愛任之謀。矧四海安危。萬樞濟否。用乂厥辟。相惟其人。苟器非所堪。力不勝任。齷齪之量。已試而績弗成。諄諄之衰。日偷而老。且至內曠天綽。外譖人言。借使藏疾之君。昧進之

士亦不容久于倚注。叨此宴安。況臣雖乏猷爲。粗知廉愧。以兩朝含育之厚。加三事論思之崇。儻可勉行。敢云顧避。蓋念慮昏才盡。日索運奇。帷幄之計無良。邊鄙之饋數屈。師摯不解。天變仍臻。不當持燭火以冒晨。啖腊毒而求飽。辱國爲重。謀身乃輕。是以赴訴虛聰。必期徇請。輸竭私悃。止冀避賢。雖知而復知近乎煩。而可言不言。謂之隱。顧臣自揆。須聖洞明。寧觸煩以致愆。不涉隱而蒙上。伏望陛下推王者之法。据天下之公。念孤臣之竭誠。免司敗之論咎。止全終始。直俾罷歸。休息殘齡。弭除來謗。黜瘵用智。允穆於朝風。斂分收崖。并全於介節。一諧茲舉。兩便乃宜。延聽曲從。始遑事舍。

謝御筆批表

伏蒙聖慈以臣上表乞罷免重任。伏奉今月三日御筆批答。候郊禮畢。一年後許退。不得更上表求罷者。事敦情迫。業已啓聞。恩隆喻至。罔垂開允。刻誦聖訓。傾駭乃衷。伏念臣中人之才。無善可錄。因緣過聽。叨冒上司。奉承明制而宣之朝。什不能五。總領羣務而達於上。什不能三。徒以斷斷朴愚。區區愼意。旅進旅退。不敢後人。公車公言。止於寡過。若乃調度兵食。由置取豐。羈致戎獮。化桀爲順。靖多辟之俗。去無用之官。訂正度程。燮撫樞極。則臣之自視。性有不能。陛下雖欲庇之至仁。貸以不死。謂審則可恕。謂直則弗疑。奈何妨賢之譏。謹而弗可解。備位之責。至而弗敢辭。今臣順命則取尤。違詔又抵咎。稱疾以邀上。則詐。俛首而還位。則慙。茲焉危竅。匪謂文飾。而且寶筆親示。金口宣聞。既賒歲期。仍畢禋禮。切却來奏。獎卹憂軀。

粗識名教之方。敢渝君臣之誼。恭遵慈敕。已默費詞。奮勉不肖之材。上酬再造之賜。然念年齒頽邁。精力耗殘。陽雖蒙榮。陰或取譴。悔常待亢。吊止在間。終冀數月之間。更續乞骸之請。眷深難荷。或至無言。

景文宋公集卷第八十三

表

代章集賢讓表

臣某言。伏奉制命云。云者。台司云缺。方謹於咨俞。恩贊所延。躡加於輶短。內循能而不稱。進卽寵而匪追。敢格優音。徑敷危枉。中謝竊惟鈞柄之總。邦綽是毗。膺朝夕以告猷。一統類而爲職。周設三公也。惟人而備。漢分兩府也。待選寔艱。至於公孫開陳。良知作相之有體。建平風采。稍比治郡而損名。益知重雍撫卹。同寅責實。能哲所以垂惠。注意在乎已安。詎俾無庸。首虛茲授。如臣者。材驚而底。門忤且蹇。本務自知。期孟晉。第以仕超所願之表。用浮有智之涯。擢始禁林。越陪樞管。高門之地常重。遂翔八極。天下之務誰幾。舉煩中覆。省私未報。引領安歸。用惕若以因時。幸僥焉而補過。不圖欽庸。更誤念求。獲輸一稔之期。承三吏之乏。賞階暴峻。功號頓蕃。重書殿之榮資。衍爰疇之實幹。王言顯布。公路騰咨。深難得失之稱。關休戚之大。在易之鼎。覆渥戒其攸占。觀天之階。疏比應而如響。詎止詒於身悔。實并結於朝議。與其匪服之辜。寧容嬰如慢之責。伏望尊號皇帝陛下。察至誠之有素。惜重器而罔私。降采多言。追還麗澤。詢廊廟之懿。參熙筌宰之隆。特丐衰齡。且仍故職。布盈辭而近濟。須允報以爲期。臣無任。

代章集賢拜相第二表

見案珍本卷三十九

代中書請復常膳第二表

臣某等言。近以常饗未復。繼援舊章。溫檢垂頒。尙稽允報。征營失措。昕夕靡遑。臣某等。中謝。伏惟尊號皇帝陛下。若古宣猷。右文敷治。克相上帝。寵綏下民。懼一物之失宜。冀九功之攸敘。嚮以歲元。肇曆乾坤。流占特刑。罪己之詞。恭循菲食之變。勵翼庶政。焦勞聖懷。亟躋格於精裏。用振除於餘咎。天威旋屆。人情亢康。謂宜即參禮典之中。還登牢品之具。進嘗珍旨。侑納粹和。陛下過執賚恭。淹餘旬晦。務謹哲王之戒。久隔太官之常。伏況體有等威。醴無降抑。垂裳當寧。躬朝夕之甚勤。侑樂養恬。濟剛健之常久。敢緣固請。仰丐俞音。願收天保之誠。復備君庖之舉。庶俾柔嘉玉食。不空惟辟之文。闕實陽休。更盛無疆之祉。費詞已罄。須可爲期。臣無任。

代章集賢謝恩表

臣某言。近以誤被制誥。躋升台府。刻章伏省。昧死還恩。煩允命以申褒。勅攸司而趣拜。事移願始。懼集寵初。中謝。竊念臣孤遠微生。間關平進。本謀干祿。纔望亢宗。然而運有親逢之期。朝無不肖之疾。遂蒙君養。寢膳仕塗。伏遇皇帝陛下。執競熙圖。垂明建極。翕受九德。練嚴庶工。擢始冗官之聯。贊爲名命之重。深選禁籍。進侍經帷。拙者於用雖多。何嘗云補。儒者在要而寡。固亦自知。臣言善任之辰。居濫升樞之委。尙以

三垂撒簪五刃久囊。奉行止更踐之常。論思無調發之遽。得容樗質。猥貳天機。內畏將軍之塵。方詒蹕馬之泛。更叨懋冊。超對上司。臣雖妄庸。粗識涯分。蓋三事非容容之忝。萬樞倚贊贊之資。與道同底者。亮采實毗。以聖責愚者。取敗尤速。徑披素款。荐控虜聰。陛下業已延登。實無中止。遂乃出綸之信。闕乎銷印之言。勿使固辭。敦令就職。矧以陪封並峻。職號兩崇。叢鉉席之異儀。絢槐朝之華典。抱誠終廢。順命茲慙。敢不免叩邦猷。力敷民藝。夙莫之勞是念。望隙之智畢陳。但慮俯積謗。上延災譴。被鄙人焉用之義。煩漢家即免之文。脫收效於涓毫。冀紓期於顛殞。

代夏尙書讓節制第一表

臣某言。伏奉制命。授臣節度使。檢校太傅云云者。朝綸疏霽。闔鉞頒華。任匪值能。誼無苟進。敢淹茂冊。仰訴危悰。中謝伏念。臣出自孤生。庸專樸學。嚮圖干祿。正敢代耕。先帝擢始下陳。俾升近綴。及其強力。試以方州。屬丕后之龍飛。齒舊人而魚貫。入階峻秩。寢服清光。超貳乾樞之繁。間塵台路之采。拙艱自守。明睿素知。緣久次以出藩。歷四基而蒙召。還專計局。實寵使名。習見文治之常。焉知方略之總。不謂中軍謀帥。西屏須才。過聽妄庸。顯膺節制。竊寰圻而書社。叨公傳以視官。內循甚愚。猶識常分。蓋知役非其長。則憚任過於力。則顛。況欲乘華領之早衰。勉虛弦之餘怯。秉髦制敵。跪轂啓行。上副萬里之明。俯全百勝之決。求于宿將。庸或爲難。揆之迂儒。孰知其可。且勸能莫如責實。累國過於災身。匪敢自私。所虞有悔。伏望尊

號皇帝陛下。普詢公議。追止徽章。貸格詔之近愆。收嚴邦之遠計。改圖善武。趣立茂功。昧死申祈。俟俞知免。

代夏尙書讓節制第二表

臣某言。比者。仰列需函。上還帥節。未蒙順許。滋極震惶。終恃至仁。更申前請。中謝。竊以師無常克。視律之否臧。官不備求。惟人之輕重。是以楚鄧方用。鄰席側而靡安。漢傑已登。中帷坐而論勝。故能抗威齊斧。躋秩齋壇。有臣如茲。何賞之選。若臣者。本緣儒進。偶與仕期。隨躋自將之塵。斷斷無它之謹。或施之刀筆。或責以簿書。雖曰曠官。不過任咎。至於顯膺誕告之渥。專制中權之雄。一失所謀。交累而國。安得冒顏於授受之始。隱情於進退之間。僭此負乘。假我名器。徒使有功罔勸。先啟邦人之媮。應敵非長。方詒史氏之誚。拒恩誠罪。知分可矜。伏望尊號皇帝陛下。垂亮苦言。卽收成命。僉求慎將。付俾元戎。庶當注意之辰。弗絀維塵之論。懇悰斯極。開可爲期。

代夏尙加節制謝表

臣某言。一昨啓避將旄。重垂恩詔。罔誅煩請。卽俾往諧。孤願易遷。徽章難拒。臣某中謝。伏念臣出于輜衛。弗逮遠猷。振蹟先朝。被榮華旦。淺謀與政。孤操奉公。顧匪服以叢譏。殆多憂而損性。氣隨事耗。體與年衰。徒仰蹈於盛明。遂自忘於勸去。因浮所食。勉宿爾官。何言右武之求。首被中軍之忝。外廷顯告。褒冊蕃臻。

擢一介之儒微冠十聯之雄重。矧惟推轂之選。本待出師之行。而三純以來。二垂撤警。寢成威械之偃。絕觀檀車之勤。遂使開幕建牙。惟專受祿。屬鞭汗馬。無所效功。今此僉求。止圖靜知。愈爲虛受。固願上還。至於秩視宗工。地分邇輔。兼憲司之劇職。鎮威服之要區。雖參寵戎行。而更爲身幸。此蓋伏遇尊號皇帝陛下。念人適乏。超刈於譴材。謂令已行。罔收於信賞。趣交瑞節。馳領故都。拜命茲慙。省躬思報。敢不懋經方略。協布教條。上體眷懷。力期綏撫。冀彌惇於老學。得從事於新書。獲列萬分。誓甘九殞。

代石資政乞外任表

見聚珍本卷四十一

代宰相謝傳宣入伏月令午正歸私第狀

見聚珍本卷四十一

代昭文相公乞罷免第一表

臣某言。臣聞無能之臣。至仁靡畜。焉用之佐。上聖所譏。何則。名器有分。責任無假。從古治亂。本三公之非其人。累朝罷黜。固宰相之自有體。天下公議。王者難私。老臣至懇。君聽宜亮。臣某中謝。伏念臣生自下國。系出單門。先帝擢之艸茅。華以纓弁。歷課刀筆。備嘗風波。遠齒朝黈之趨。引內文林之選。孤根荂苒。因得少安。弱羽翩跹。其如長醜。伏遇尊號皇帝陛下。運隆闡釋。政重持循。見矜華領之餘。謂非它腸之惡。越司綸省。尋玷玉堂。思以中乾而遲。辭由外重而拙。敢圖晚路。猥副洪樞。文武之略何施。負乘之寇滋集。未淹再歲。俄正中台。于時主者見敦。不容還讓。處士之議。已自沸騰。尙冀飭備。液以構材。勉契需以致遠。旋屬

黠羗畔命西鄙宿師餉役繁興保戍係出賊不時定汜茲五年財所當調動且億計縣官空乏斯人歎愁職居者敗墨狎閒師行者逗撓相踵以致斗落觀釁須索靡厭璽書撫和猜阻中定此皆輔弼亡狀處置乖方淺慮不可計深局謀不足料遠六翻無助九鼎爲輕上遣主憂下逮邦侮臣猶知罪人其謂何是以去歲中昧死乞身稽首還政底裏罄露親近具聞所望改詢賢臣翊亮天綽親奉聖訓使須後期適以機省務煩分提劇使久之冢宰病去因冠上司遂復僊俛卽恩遷延待罪助經羣務又及一朞今狄旣申盟戎將悔禍漸期屈伏圖致靖嘉則臣之經綸止極于此臣之引避正合其宜非不知變調陰陽和一統類時庶百穀仰澄三光使夷狄莫敢不王臣工各任其職柰何性分有止強勉難成臚脫於扛鼎之前手傷於代斲之側又況年事云耄體力已衰盛憲之憂陰耗於百慮師丹之志顯廢於萬機庸得自寧以敦大事伏望陛下察臣試可之無效憫臣底力之不前赦其空疏賜以停免重惟疆場尙警水旱相仍帷幄急咨謀之秋廟堂非充位之地早垂矜可庶息謗讟退一罔功則材士胥勸狗一知止則薄俗自敦此物此心明神可質以終以始崙□是憑敢道煩辭止希得請臣無任

第二表

臣某言臣近露奏章乞辭重任奉被訓答永賜開俞蓋言拙者情有不通理迫者義難自隱敢空愚慮再叩謀聰中謝伏念臣資稟無庸志願有底逢辰之盛爲食所浮旣承乏內樞遂待罪宰相昧於牢讓輒爾

胃居室大楹小者何撓之能支。綆短泉深者胡汲之云濟。叶佐萬務出入七年而政不時經。民罔用乂。內微開陳將順之敏。外乏總領折衝之猷。徒以馴致久安。奉行成式。力殫而任益重。足蹟而道愈悠。考課無成。中外同亮。弗能則止。從昔以然。且臣負責當免有三。謀私可歸有二。臣聞善宰者使中國尊大。四夷賓服。民不捐瘠。天無災譴。雖國嚮厥福。而身預其榮。今夏賊弄兵。滄會丐貨。倔強沙漠。首鼠邊垂。千里之饋告勤。五年之戍不解。天誅淹久。廟筭依違。臣之宜免一也。內自淮浙。旁泊荆閩。雜調併科。比屋咨嘆。輸錢轉幣。列郡窮虛。京陝之人。勞役尤甚。去便居擾。官濫吏私。譸張之盜竊登。提擗之使中出。臣之宜免二也。寶元之後。大變仍臻。地震定襄。日食九朔。白晝而晦。經緯失行。民食寢艱。地寶逾愛。害氣未究。民言莫懲。臣之宜免三也。臣齒歷既暮。形質早衰。晝視文書。則昏忘相半。夜偃牀簀。則呻倦併來。牽勉而行。僇仆將及。臣之可歸一也。且臣冠男笄女。天枉相繼。擠溝舐憤。悲割屢嬰。蓋顯責未加。陰譴先及。惟一息方幼。未能應門。百年收骨。誰爲臣計。臣之可歸二也。負三當免之責。二必歸之私。縱元后至仁。且容備位。而天下大議。於何可逃。伏望尊號皇帝陛下。念四輔之惟其人。憐一介之守其分。以量能爲哲。以從欲爲仁。特沛玉音。許能魁柄。俾全要領。得守丘樊。始終之惠兩成。公私之計偕允。況二垂面內。多士獻謀。師律漸精。治具尤飭。方當別咨英輔。速就大功。明黜吏臣。靡妨賢路。成命朝出。多謗夕銷。延素天關。企竚矜遂。臣無任

第三表

臣某言。伏冀聖慈。以臣再上章乞解重柄。特賜批答不允。仍斷來章者。煩辭荅露。中詔報聞。仍枉慈音。卽停後啓。荷戴無量。涕泗偕零。臣某中謝。竊以明莫先於自知。勇莫近於能恥。自古通誼。爲臣大方。苟渝斯言。不可以訓。伏念臣材識。驚下。年力尙殘。感慨宸恩。婆娑台路。惕日三省。未夜九回。蓋注意於安。則百度所脩。未臻至治。試可乃已。則七歲之績。果於弗成。戎醜其心。克邊民勤戍。執咎之職。匪臣曷歸。是以頓首屢陳於前。誦言必請於上。願還大政。以穆具瞻。而庸眷見私。朝議弗聽。抑此孤抱。廢爲空文。雖易戒三瀆之尤。而志矜一介之奪。敢煩欽誓。更賜裁俞。臣又念感會之來。纖介無愾。上則大明垂亮。免數辱之虞。下則同僚叶濟。靡不咸之隙。但以彌綸任大。僕遯智殫。高能召危。凡實詒悔。塗遠於日者。負將暮之責。形分於鑑者。致必窮之哈。此皆驗于已然。寧待多喻。安可以華皓餘齒。更昧自知之明。丞弼宗工。遂遠能恥之勇。伏望尊號皇帝陛下。量其盡力。推以至公。許還樞機。避賢者之路。賜全首領。敦大君之仁。早獲罷歸。是逃罪戾。必若砥鉛鈍以嬰割。徒作庖羞。竭馬足而泛車。不爲御巧。言窮寢拙。心迫逾危。抑控天聰。竚聆制可。臣無任。

景文宋公集卷第八十四

表狀

代楊太尉讓加節使第一表

見案卷三十九

同前上皇太后第一表

見案卷三十九

代楊讓加節使第二表

臣某言。臣近以併塵寵數。亟達讓封。猥奉訓辭。未垂順許。夙宵惟念。冰谷震惶。臣某中謝。臣聞官惟其人。受授存乎實。賞不可僭。輕重視其功。故師錫則勞。臣不疑。冒居則處。士橫議。大猷所繫。從古而然。切念臣一介非夫。兩朝善使。雖微幹裕。絕有它腸。承空乏於樞庭。速謗囂於鄉校。法宮雲構。偶忝使權。麗澤風翔。第膺賞級。蓋聽謀之抑畏。答大倣於高明。與物惟新。祈天永命。如臣無狀。爲國具僚。慮不先幾。事多遺策。至仁在宥。裁赦已多。詎可當憂勞之辰。自安過寵。昧廉隅之守。以啟儉風。取身咎以不辭。玷國經而爲惜。伏望尊號皇帝陛下。酌於舊典。斷自清衷。俯念蒞微。追還渥綬。示名器之尤重。俾顛僨之罔加。祇埃兪音。用寧危懼。臣無任。

同前上皇太后第二表

臣某言。臣近以崇進寵章。輒騰讓奏。大言垂答。成命未還。慙震所并。啓處無措。中謝切念。臣材姿蹇淺。地望單平。獲對聖期。遂階樞柄。汲深綆短。自審於無能。材敗錦傷。慮墮於有典。伏值國家從周考室。嗣禹卑宮。獲贊事經。亟成丕績。惟當陽之引咎。因肆眚以翔仁。首眷近班。並推異數。鴻私交委。危懇匪寧。何則。密勿之司。體均休戚。彌縫之任。責在臣鄰。當九重旰食。以勵精。甯百執宴安。於受爵。上虧治表。俯畏人言。伏望尊號皇太后陛下。垂照危悚。曲全瑣質。重名與器。罔俾於官邪。收紵以綸。特從於人欲。儻道易益之責。實銜再造之私。臣無任

代楊太尉加節使表 見聚珍本 卷三十九

同前謝皇太后表 見聚珍本 卷三十九

代讓樞密使第一表 見聚珍本 卷三十九

同前上皇太后第一表 見聚珍本 卷三十九

代楊太尉讓樞密使第二表 見聚珍本 卷三十九

同前上皇太后第二表 見聚珍本 卷三十九

代楊太尉謝樞密使表 見聚珍本 卷三十九

同前謝皇太后表 見聚珍本 卷三十九

代楊樞密加恩第一表

見宋本卷三十九

同前上皇太后第一表

見宋本卷三十九

代楊樞密讓邑封第二表

臣某言。比者甫屬勞還。例蒙進律。卽憑露奏。切冀回恩。嚴詔罔俞。危悚無感。省循甚熟。啓處若驚。中謝臣聞人食不浮。有邦所慎。名器爲假。先聖必書。是以祿緣德而爲差。賞待勞而作勸。君臣之際。進退至公。切念臣科自散材。本惟近器。當有道之日。而抱寧生之愚。在諸臣之中。而專石建之謹。遂邀誤寵。入幹鴻樞。大度見容。寸長未效。三事六府。交脩之訓。亟聞百禮千儀。法從之榮。斯極。方虞校議。貽損國經。敢圖捨爵之辰。亦預揚庭之告。峻升儀等。優食邑租。且夫器敗其盈。物衰於盛。假令有功可紀。尙當邊易退之規。況其何力于時。無容取疾顛之咎。敢茲再瀆。虔竢曲從。伏望尊號皇帝陛下。體天極之好生。法道先之善貸。保全舊物。開可德音。儻收已澍之恩。是免不濡之刺。

同前上皇太后第二表

臣某言。近以玷塵褒製。虔貢讓函。亟辱大言。未垂可報。感食浮之損國。彌夕惕以裝懷。罔道有誅。更期濯懇。中謝切念臣弩微衆驗。椎鈍自知。親千載以開榮。蒙二宮之圖舊。遂階顯仕。或累寸勞。未淹緹筦之期。已正黃樞之署。洪惟聖旦。務講上儀。振萬宗祔之中。載相坻塲之左。而臣屬當景從。內慙寡聞。動有昆關。

之迷。居無伯始之間。庸明垂庇。責讓罔加。乘此策勳。例蒙席寵。益漢臣之高秩。增晉食之爰封。所宜拜嘉。以示殊獎。其如道路之論。僭莫懲嗟。犬馬之懷。不能無感。儻自安於異數。實取素於森倫。苟玷大猷。靡爲細事。伏望尊號皇太后陛下。詢謀衆采。俯諒丹愚。協議長君。賜停前授。使器有所極。無至於害盈。且功在不疑。何煩於惟重。獲依慈貸。庶克保全。

代楊樞密謝第三表

臣某言。再達奏函。願還明制。猥諭已行之命。且均事僧之科。往愬莫伸。冒榮何幸。中謝。切念臣本微風績。偶會盛明。科自冗閑。迭階華要。譬之枯木。靡自先容。及乃秋毫。罔非帝力。遂謹一心之事。慎隨異物之遷。發于誠明。期貫夷險。至於諸葛應敵。臣則闕其所長。方叔有猷。臣則慙於未壯。樞員承乏。機務頗叢。屬容典之交修。顧建明之匪效。庶官強力。謹爾奉行。百度森羅。居然飭盡。實忍慙於無用。徒庇質於至明。敢冀勞還。首膺第賞。寵階凝峻。封字便藩。懼受授之兩虛。控慈威而再瀆。冀收成命。俯穆大倫。寧謂綽靡還絲之期。爵存屬世之本。先加無狀。庶勸有庸。繫治典之化源。匪孤臣之私荷。寵光下賁。震扑參懷。斯蓋伏遇尊號皇帝陛下。普汜翔仁。保和樂育。業已升於四近。求無備於一夫。特假先榮。將權後効。敢不退求於己。罔伏攸箴。持守器於易盈。靜長柯於有隄。竭情夙莫。歸報涓分。臣無任。

同前謝皇太后第三表

臣某言。昨以玷塵懋賞。祈丐還恩。伏省陳章。既殫於所請。枉音催拜。遂隔於由衷。承命若驚。省躬銜感。中謝切念。臣少緣羈蹇。獲對嘉亨。出無以蕃扞四方。入不足重輕九鼎。但以斷斷之介。蚤移於忠。區區之心。所守惟道。兩宮察乎少戇。三事悉其無邪。遂正右樞。仰參熙綽。朝家累盛。禮典懋脩。或恤祀以展牲。或勸耕而育穀。親奉至幸。法從爲榮。曾是慙煩。淺爲職業。漢庭故事。僅且奉行。魯廟多儀。疲於每問。外速療官之謗。上貽有國之羞。切免是宜。褒揚絕望。敢謂尊號皇太后陛下。慈均丕冒。利篤廣生。因太寢以還衡。告外廷而席龍。進階近列。益戶大邦。繼昧死以上言。冀課功而責實。蓋高莫訴。虛授爲慙。敢不勵翼謀謨。贊襄戴采。戒園葵之爭利。敦皮弁之守官。庶詭微功。罔浮厚食。誓心有素。靡踵爲期。臣無任

代人乞存歿臣寮納家集狀

右臣竊以周德之興。多文以監二代。舜華其協。好問而察邇言。爰歷古先。咸遵風軌。期有裨於治體。無容廢於警詞。輒罄芻蕘。仰裨漏闕。伏念臣材惟闇茸。職本掃除。服君度之在寬。不汝瑕而垂采。曩者太宗皇帝。亮其愚訥。獎以寵靈。命臣充史館書庫都監。兼祕閣供御圖書。時屬聖念嚮儒。朝猷被世。旁求典故。備覽清閑。又命臣往江浙。搜訪遺書。眞宗皇帝。繼體丕承。好生善養。洗其痕殿。秩以冗閑。伏遇尊號太后尊號皇帝陛下。祇遙珍圖。交修先憲。遣簪未弁。塗膳再加。又命臣同天章龍圖閣都監。臣委質三期。行年八十。鍾漏方盡。雖愧於夜行。塵露有施。敢忘於上報。臣嘗覽祕書目錄。伏觀自唐末至五代。其間有以文章

取名當世者。咸存屬綴。列在緹緗。載冊府以相輝。賁牙籤而有第。我國家承百王之末。披三代之英。師儒挺生。名臣輩出。或高文大冊。爲廊廟之珍。或隱居放言。樂山林之志。從臣扞嘆。太史陳詩。炳然斯文。高映前代。然四部之內。編集無聞。一王之言。規矩安寄。使彌文不表。則至化弗昭。後之視今。闕孰爲大。臣今欲乞降聖旨。下中書取四朝以來存歿臣僚及隱逸之士。以文學顯名者。各許其人及子孫獻納所著家集。乃降下兩制詳定。若其深厚溫潤。可以垂著不朽者。具姓名聞奏。官爲給紙墨。差人繕寫三本。付龍圖天章閣。太清樓祕閣收藏。足使增觀本朝。垂榮來籍。開元之目大備。有司之副可求。上以見文思安安。堯之稽于古。下以見賢士濟濟。周之所以寧。臣之至恐。竊爲深惜。且年祀寢遠。則亡逸滋多。今而不求。後亦隨廢。異日當使陳農訪舊。結馳傳之勞。河間購遺。軫補亡之慮。功相遠矣。誰曰不然。臣衰疾見乘。惜味惟素。願留餘景。期觀大化之成。輕率狂言。或俟聖人之擇。越干程覽。伏待誅責。臣無任。

景文宋公集卷第八十五

表

代薛參政乞致仕上皇帝第一表

臣某言。臣聞公器至重。多取謂之假人。福壽有涯。踰量以之招損。然則筋力非便。誼許其乞骸。鍾漏行休。禮容於得謝。進退之際。終始尤難。中謝竊念。臣門地本寒。材姿無筭。稟生懦武。逮長樸忠。愼異物以見避。惟斯文之積習。偶比諸生之牒。遂代上農之耕。出入三朝。間關四紀。至乃與開國議。參列禁廡。奉屬車之塵。法當得從。勸華光之講。席必爲前。接武玉堂之中。美食太官之署。稽古垂賜。爛其私庭。任子推恩。徧於家姓。聯官六卿之重。衍食千室之封。則假人之譏。上所悉矣。榮願云獲。私釁亦鍾。賤息天年。貳宗乏事。蓋由臣竊位無補。尸祿有初。腊毒庭狃。不能牢讓。蔀家瞰室。自取降殃。則招損之由。驗於前矣。且臣少也多病。老而寢加。頃緣舐犢之哀。頓成鬪蟻之忤。足膝酸重。目瞶眊昏。營魂散離。強力虧替。則乞骸之請。臣得所宜。鄒人迂疎。伏生昏忘。兩宮之忍致于理。二儀之務好生。剗去浮言。儼開纖隙。禮居既進。恩與其終。則得謝之文。上宜開許。伏望尊號皇帝陛下。憫孤進之既老。軫神罰之所加。特垂丐於餘辰。許上還於所職。使臣得生歸里閭。護視丘墳。安車之齡。收骨有所。茲爲悃悃。長累聖明。伏況七十爲致仕之期。九三据重。

剛之厲議年垂及。知止在茲。儻諧初服於私門。是免喪元於昭世。援天至切。得請爲期。

同前代上皇太后第一表

臣某言。臣聞任重於才。官次速乎多謗。祿浮於分。鬼謀害其常益。諒以盛之必衰。均朝暮之理。亢而招悔。在進退之交。將瀝懦衷。敢援茲誼。中謝竊念臣稟生蔽朴。承學陋孤。感懷熙辰。玷塵清軌。自編民而振拔。屢累聖之眷求。多識舊章。絕希於胡廣。少知治體。敢望於夷吾。尺寸未施。寵光益契。伏遇尊號皇太后陛下。翊長君而在宥。統先烈以貫行。垂念皤皤之年。彌寬事事之責。獎其舊物。擢預講員。在博不勤。但欽於躋聖。據經而對。曷足以名家。曼歷歲時。寢成尸素。窮生有底。庸賜無涯。嘗於去春。啓辭近職。退藏散地。休息煩言。人欲未從。天私加勞。由冒升於寵等。更纏縶於身枝。臣有次男。素辨家事。使治菟裘之業。久居汝上之田。私闡下衰。壯年早世。臣病瘵既久。悲感見乘。結爲瘵昏。內攻肺腑。藐藐孫孺。空空室廬。薄此遠塗。更嬰窮罰。安可尙玷承明之祕。益重子臧之災。罹天薦瘥。爲國貽悔。願還章綬。退老丘樊。伏望陛下。按得謝之舊規。諒知止之深素。丐其暮齒。許以生歸。庶先犬馬之辰。不貽溝壑之擠。寬髦老於三教。彌服上仁。從先故於九原。俾無私恨。叩關危苦。辭不及文。

代參政生日詔書賜牲餼謝表

見聚珍本
卷四十一

謝加常山郡開國公表

見聚珍本
卷三十八

代昭文相公乞罷第五表

臣某言。伏奉批答。以臣累上奏函。乞解鉤柄。頻煩聞報。未賜矜俞。事却而心愈危。言窮而請彌訥。是使天無九臯之達。日靡三舍之還。內蹙孤懷。久隔慈聽。敢違明命。卒布丹愚。臣誠憂誠迫。頓首頓首。臣竊惟操契課功。弗效而猶用者。不可爲善任。竭力奉上。已弊而不去者。不可爲愛君。誠以萬務關諸盛衰。四輔本之翼戴。統紀一繆。誚譟羣興。事既驗前。理無冒處。伏惟體天法道。欽文聽武。神聖孝德。皇帝陛下。鋪明聖職。躋塞庸功。法周文之能官。體漢宣之責實。擢臣於平進。委臣以上司。七賀歲繙。聲效愚款。若乃戎夷儉狷。臣當撫鎮也。而西有不羈之酋。黎庶生聚。臣當親附也。而內多失職之俗。陰陽者臣所燮治。而精禘之變未除。州郡者臣所差擇。而嘉靖之風弗競。民嗟日薦。邦采月朘。加以私室生災。暮年多病。目眩心悸。髮禿齒搖。哆然一夫。墮我三事。而陛下雖有善任之德。容可獨私。老臣雖有愛君之心。詎當罔位。此所以前後四啓。本末兩陳。亟枉褒言。尙欲留輔。伏思天意。誠有所歸。蓋慎始於終。則主乎恩。退人以禮。則示乎漸。猗違弗忍。孰復見憐。然念臣末路徂齡。自當必免拙謀謬計。舉不容誅。伏以國事惟微。宗工難曠。早祈遂許。令獲退休。咨擇辰髦。協奮不續。於臣蒙知足之分。於國表黜幽之宜。所執不異前章。所干更無它理。控天自誓。觸死弗渝。延聽可音。庶寧憂懼。臣無任翹衷疊訴。懇倒屏營之至。謹五奉表陳乞以聞。

樂書局謝賜景祐樂髓新經表

臣等伏蒙聖慈各賜臣等景祐樂髓新經一冊者。樂教通倫。茂昭於廣博。常言知選。鋪詔於本元。謫垂範以坦明。亟鑲方而流布。頒文胥洎拜賜知榮。中謝伏惟尊號皇帝陛下。保合在和。慎徽布度。凝瑞福於羣品。暢蕭勺於九閩。惟時右文。式克稽古。永言六代之制。未表五均之微。治定在辰。財威有屬。先比音而立法。遂稽器而展聲。追乃鏗純。革其燠殺。乘書程之夜乙。問機緯之日孜。竝考前經。森條奧訓。由子及午。辨位六同。自駟得鶉。正名七列。討力華之餘韻。會祕式之經躔。案以旋宮。配乎愆祀。推阮險之管象。較上薰之黍園。度量惟精。金石乃定。爰表新書之號。俾資廣內之傳。倬爲章而可瞻。不愛道而臨下。以聲爲法。遂該禹律之精。甚德何加。方邁韶箭之盛。臣等俱緣僭學。叨直禁局。窺述作之模。但欣游聖。蹟太常之韻。潛誓服膺。仰陶監代之風。倍激丁辰之幸。臣等無任

代謝改官表

臣某言。月日進奏院遞到官誥勅牒各一道。授臣前件官。仍放朝謝者。溝壑仆材。久從於病免。星闈華選。尙忝於序升。榮寵不貲。冠殘萃感。臣某中謝竊念臣稟生祐薄。繼代門單。以一介之陋生。服千齡之聖會。擢從士伍。寢被朝猷。薦叨共理之良。蔑有萬分之報。貪天善養。食土何知。而臣自幼纏痼。頻年寢劇。去夏以攝生寡術。積損蚤衰。臥漳浦而沉綿。踰漢科之假急。移書言狀。待報去官。旋蒙詔綽之頒。俾齒京臺之籍。優其廩俸。便乃家居。內結病惊。久淪生意。敢謂尊號皇帝陛下。至仁溥鬯。橫施豐融。謂其犬馬之微。常

佩虎魚之重。拖紳中廢。忼日未終。因久次以推恩。獲外郎而增秩。寵生望表位。溢智涯。魄已散而復還。骨將枯而更肉。況臣率平強之力。尙畏敗官。屬彰擲之餘。何勝誤寵。戴丘山之重恩。邇泉壤以猶生。儼幽錄之未編。期展軀而上報。臣無任戴天荷聖。激切屏營之至。限以官次。不獲奔詣闕庭。謹奉表稱謝以聞。臣某頓首頓首謹言。

代石少副賀南郊禮畢表

臣某言。伏觀今月二十八日南郊禮畢者。陽郊已事。邦節有容。列位均歡。綿區浹慶。中闕。悲以享帝。莫先於聖。報本莫隆於天。有國所脩。舊章惟允。走四海而來助。畢展多儀。閱三年而後行。舉無違禮。屬當盛際。昭憲先謀。悲惟尊號。皇帝陛下。天秉粹溫。時行剛健。紹休謨列之懿。同底方隅之寧。乘時尙文。賁雲章於天極。推懷布惠。淪膏澤於民心。法令詳平。吏治脩謹。遂使休光瑞應。同日竝臻。式勤讓善之方。以飭就陽之典。相惟羣后。鋪究上儀。殊庭左廟之殿。前升乎圭瓊。厚地皇穹之重。合薦乎陶匏。敷侑席於層城。煬高燿於紫宙。三靈交感。百禮具成。且復御象闕以嚮明。稽奮雷而肆眚。內策勳乎從衛。外疇賞乎方州。慶賞遂行。表裏皆悅。臣向叨近侍。今退私閤。苦慙慙之不仁。陪末行而莫逮。閑坊就第。但聆於穆之餘。法從觀光。莫覲猗那之盛。欣愉內積。距陌無從。臣無任

謝復侍讀學士表

見聚珍本
卷三十七

慰皇兄汝南郡王薨表

臣某言得進奏院狀報。今月八日。皇兄汝南郡王薨。謝追封濮王者。沴罹棣鄂。悼結楓宸。置訃外聞。輿心中忭。臣某誠悲誠鯁。頓首頓首。悲以濮王承華皇籍。育德慶源。備王禮於三駢。首天倫於萬乘。表儀朝序。友悌宗藩。當延磐石之封。奄速壤梁之覺。伏惟體天法道。欽文聰武。聖神孝德。皇帝陛下。義深斯痛。情篤孔懷。賁泉壤以追榮。極典章而恤命。恩親茲厚。尊寵何加。伏斬理遣深衷。道齊達觀。割奈何之重愛。順有典之常經。臣限守藩符。阻趨廷陛。臣無任瞻天望聖。慘惻屏營之至。

謝曆日表三道

臣某言。伏蒙聖慈。賜臣詔書一道。并皇祐五年崇天萬年具注曆日一卷者。居卿雜候。列舍平分。定朔啓元。繫時訖歲。以財成於太史。用分授於庶邦。臣某中謝。恭惟尊號皇帝陛下。惟古與稽。前民致用。每當故禋之末。豫謹來茲之常。迎步龍躔。昭集鶉尾。舉十二中之位。氣以敍來。列大小餘之差。閏隨月見。衍侯辟於封緯。竄禋祥於術家。本夏人正。兼漢時令。騰示縣寓。守此共規。恭聞言天者必驗諸人。惟聖能述。明時者先治干曆。俾世弗迷。仰誦頒常。允謂知本。臣叨分守瑞。豫拜賜書。啓簡授辰。案文得候。示人以信。固無穀管之差。告朔有經。寧懼餼羊之廢。誓勤宣布。少答恩私。

謝曆日表二道

今月某日進奏院遞到詔書一道。蒙恩賜臣至和三年崇天萬年具注曆一卷者。官惟底日。后以授時。迎歲前頒。綿區同稟。臣某誠感誠幸。頓首頓首。臣聞惟古治曆。求端在天。發斂有常。舒散來效。恭惟尊號。皇帝陛下。作聖於唐。與神爲幾。每緣班朔之常。尤推雜候之謹。預步盈縮。參注祿祥。敍分至而著之篇。條晦弦而舉其正。鏤槩流布。馳驛分頒。卽日行春。罔厚長人之幸。異時流火。賈無司曆之差。臣幸守列邦。例蒙溫詔。敢忘紉繹。以昧初常。

謝曆日表第三道

臣某言。今月四日。進奏院遞到詔書一道。賜臣嘉祐五年曆日一軸者。堯曆授人。舜璣觀運。寅敷時訓。謹示天常。叨備守臣。幸藏王朔。臣某誠惶誠感。頓首頓首。恭惟體天法道。欽文聰武。聖神孝德。皇帝陛下。撫臨函極。愛育黎元。當四氣之環周。重五辰之軌順。清臺課索。黃道推迎。間翺忽以靡容。正閏餘而率定。旁探六家之祕。中參一歲之宜。雜候畢書。道占允驗。曲盡聖神之蘊。因知覆燾之心。溫詔下頒。列藩均被。臣方司幾輔。獲奉王正。拜君命以匪遑。審民時而皆得。謹當宣布。庶使遵明。臣無任云云。

謝乾元節表

見聚珍本卷三十六
乾元節表第五首

賀德音表

臣某言。今月二十一日。馬遞到德音一道。以皇祐六年四月一日爲至和元年。臣卽時集官吏將校宣示。

并行下諸縣訟有食之會善曆前知更始之文上聖無憚緣肇題於年紀用普資於黎元飛驛疾煩多方朋抃中謝臣聞天所以垂戒者寓乎象君所以應變者本諸誠故禹由罪己以興湯稱旻日而感古有茲事今驗所聞伏惟尊號皇帝陛下挺高世之姿撫下武之運子命之不易惟日之與新以不戰屈屬國之光以重威纓老上之虜足食而教飭法號平萬務信釐億姓滋生屬者步太陽之舍在正月之交言數則非有不用行之占語時則固無自取謫之悔陛下推美弗蒞引咎益虔聖鑒常饗朝避正寢大肆多眚復著首年發積錢勞三邊之屯開丹筆降庶獄之死臣伏讀聖詔徧視曩篇雖日主大君時忌孟夏然所次異者厥證從之或分野饑凶或臣下譴負氣兆豫動躔暑昭垂非專一人獨主斯應陛下弗覩災以釋懼弗特治以忘謙就朔改元因事修政臣又聞神雖在上鑒不遠顏必且畏德還戚轉沴爲祉有因晦不現有當虧而完敢煩有司願竚不貺臣違去從襄方荷守戈竊誦恩言愈欽盛際臣無任戴天頌聖激切屏營之至

賀日蝕日降雨表

見聚珍本卷三十六

慰溫成皇后大葬表

臣某言得進奏院狀報十月七日溫成皇后大葬禮畢者椒壺上賓梓宮永闕恩厚泉窆慘結邦閭臣某誠哽誠咽頓首頓首恭以溫成皇后肖順坤元倪異天表內輔柔教旁翊鴻機大練有以自脩彤管不可

勝美宜享難老。遽及冥升。伏惟體天法道。欽文聰武。聖神孝德。皇帝陛下。厚眷賢家。追正慈極。卜建園寢。近負都城。匪棘而緩者。俾守常經。弗奢而儉者。以成遺志。復土斯已。納主方初。然情與文殫。則哀隨日遠。望申悵悼。彌舍粹純。儋祝宸嚴。飛越心爽。臣限總軍務。不獲奔赴闕庭。臣無任瞻天企聖。瞻屏營之至。謹差本州都知兵馬使呂從。奉表陳慰。以聞。臣某誠哽誠咽。頓首頓首。謹言。

賀正表

臣某言。伏以初建寅辰。日總營室。夏正啓序。品彙鼎新。漢殿受圖。華夷輻湊。臣某誠懽誠抃。頓首頓首。恭惟體天法道。欽文聰武。聖神孝德。皇帝陛下。紹統熙洽。凝神穆清。憲泰象以相宜。體乾元而邁德。民歌舜旦。世浴堯仁。丕丕寶圖。衍鴻休而增熾。簡簡祕脫。乘慶序以叢休。臣叨奉邦符。恪司藩輔。頌南山而拜壽。莫參翔鸞之聯。企北闕以馳魂。徒鬱疲瘁之戀。臣無任瞻天樂聖。激切屏營之至。

謝轉左丞表

臣某言。三月十八日。進奏院遞到官誥勅牒各一道。以臣同脩唐書成。除臣尙書左丞。依前充端明殿翰林侍讀。龍圖閣等學士。集賢殿脩撰。尋具奏陳讓。今月八日。奉答詔。不允者。冒榮而受。撫己增慙。臣某誠榮誠感。頓首頓首。伏念臣曩與諸儒。共刊舊典。竊使在外。哀癯自隨。十有七年。書乃絕筆。伏蒙尊號皇帝陛下。弗責其緩。止錄所勤。外嘉終篇。例詔增秩。臣實無狀。輒用固辭。而成命已行。如汗不返。衆力相藉。孤

讓難從。永惟劇司。是號中轄。臣敢不以瘁補拙。勉懦爲強。一得一酬。九殞無憚。臣無任戴天荷聖。激切屏營之至。

代石太尉謝令安州照管表

見聚珍本卷四十

代謝加朝請大夫表

臣某言。今月十三日。進奏院遞到官誥一道。勅牒一道。蒙恩加臣朝請大夫護軍。餘如故。仍放朝謝者。緣函需澤。方均在宥之仁。紫素裁書。遽被策勳之典。祇荷若驚之寵。深懷不克之憂。臣某誠榮誠抃。頓首頓首。竊以周命庶官。第九儀而詔爵。唐徵異數。由十二以進階。所以褒職業於宗工。辨等威於朝著。官無速謗。乃堂陛之克崇。名或假人。實負乘之可畏。如臣者。凝猷素寡。治行無聞。臨遣大庭。蔑著惟良之譽。奉揚寬詔。頗淹報政之期。屬以樞燎告虔。星雞肆膏。給薪除地。曾微扈蹕之勞。加律醴庶。濫預乘軒之賞。紆紉札行之旨。兼散官五品之榮。夫何葦蒨之材。亦被鴈鴻之賜。潁川加秩。誠有謝於褒揚。宋鼎益恭。誓無忘於俯僂。庶勵夙宵之志。用酬覆簍之私。

代謝加勳表

見聚珍本卷四十

代上皇太后謝出外表

霈發天恩。澤流巖壑。內循享會。罔實情涯。中書竊念臣一介孤生。兩朝誤寵。無裨王度。有玷官成。再躋榮

浪之居。繼掌隨風之命。司馬素遲之思。勳或淹時。倚相能讀之書。老而彌忘。且以稟生多病。仍歲勿支。匪服成災。療官在慮。乘霜露之邪隙。動冰炭之夙痾。結爲沉絲。損其強力。臣亦上體洪造。思致小康。經熊鳥以養和。觀龜頤而考吉。移書請告。沓委於攸司。瞑藥攻中。寢成於淹臥。迭陳囊啓。求假郡麾。危心苦言。援天非一。至仁大度。藏疾已多。賴祝網之在寬。輒竄漳而終請。豈謂伏蒙尊號。皇太后陛下。蓋高垂聽。善貸均慈。恕及瘞愚。罄無底裏。許中停於辭禁。更推進於官聯。寶構清司。使符重寄。併爲烜赫。垂逮疋殘。矧惟此邦。臣之舊治。周知風土之樂。具存條教之規。庶盡力於基年。竢有痊於癰瘵。復瞻不幸。仰謝大恩。勉於未死之前。奉乃彌文之化。私悚所誓。淪髓同深。原本此下佚

